


OOTECH Oochu  
TAKEHNIYA Tinkles  
ST. MARK



The Gospel According to Mark in the Beaver language of  
Canada

OOTECH Oochu Takehniya Tinkles St. Mark  
The Gospel According to Mark in the Beaver language of Canada  
L'Evangile selon Marc dans la langue Beaver du Canada

Public Domain

Language: Dane Zaa (Beaver)

Translation by: Rev. A. C. Garrioch

Contributor: The Church Missionary Society

Originally published in 1886 by the British and Foreign Bible Society. This book is now in the PUBLIC DOMAIN.

2015-03-17

Updates

eBible.org

---

PDF generated using Haiola and XeLaTeX on 17 Nov 2018 from source files dated 17 Apr 2018

5f7d1ab3-d1e6-527f-a8da-865af2d2e293

Contents

ST. MARK . . . . . 1

OOTECH Oochu TAKEHNIYA  
TINKLES ST. MARK

*Tghachyestla Ehlaiti.*

<sup>1</sup> Hatseto mawotich oochu Jesus Christ, Tikeaootli ma chue; <sup>2</sup> Takeh nichatinkles akehe koonachatya kehe, Osooasi sakewotihche nachatyea atghuni oochu naaootle.

<sup>3</sup> Hligi otyesta tike kemweh toowe ooli, Atghuni oochu ahasoonesun, aghahati tsiwoeseh kwetooyakehe.

<sup>4</sup> John tane tukeghingklit kemweh, hatse tane tatilon tunaghaekeoskliti ahtilon otlwechi keochehlalon kehe aghametseli oneochetolel asilon. <sup>5</sup> Kahchu yinkhadeshalon tike okehe otsi Judaea, kahchu aghatane yateh otsi Jerusalem, kuihe sahke Jordan aghanetye tukukeghinklilon, koometselihi kooatuoochatih. <sup>6</sup> John ghatai manatsunne ghigheze gha eghayulon natun atyetlalon atazi syeh kahchu atazi syeh ihe nanihklulon: oochu yakesi yu achalinoo yu ayilai yetsetlon; <sup>7</sup> Oochu toowe ooli yehtilon, yetsi ootolon, Hligi sooniya sataihchi anati, nakyeklule aghoo atu enasoo machi chunoostyeli mamakeoosut. <sup>8</sup> Suni la tu ihe naghakyeihklit: ahwole atai tu ihe naghakyeihlili Atsinde Oochu ihe.

<sup>9</sup> Oochu gheise wazeluh ayi dzine, Jesus otsidesha Ion Nazareth Galilee otsi, John tuyakeghinklilon Jesus Jordan otsi. <sup>10</sup> Kwete tu tsi tghatyeza tsiwohzon, wailon yake kwa matahatsataghionlon, yakeotine yetsi natezalon oietli etye; <sup>11</sup> Oochu otech yake otsi atitsuklon, toowela ooli ihe, Nilat otaihchi nwasti Sachue.

<sup>12</sup> Kwete atsinde achu tike tsi yatehalon kemwehchi. <sup>13</sup> Koochi kemwehchi atu tane nuklechi tioketi dzineke koali, yakaotehun Metseli aghaghatai; kahchu ghatai metseli ihkyateslon; kahchu oochu woi oochu yetsinatilon.

<sup>14</sup> Kootoo John kwechaghinhtyilon tane kwechaghinhtyinti, Jesus yuhchidesha Galilee, koohootyeh otech oochu Nagha Tgha makaoonadzutti otsi, <sup>15</sup> Kahchu toowela ooli, Tyeneti Nagha Tgha kyeyi: naghamselselihi kyechahli, oochu otech oochu aha kootahti.

<sup>16</sup> Ihtyezon tu chok Galilee tghamweh klontyesha, yailon Simon yu Andrew yu mekye yu tyemil tyesklu tu chok: atai tane taesklu tane eli. <sup>17</sup> Oochu Jesus toowela ooli yehti, Sakyetahtyel, kooch hanahooslihi oochu hluge kehchi enahooslihi tane niyutooleli chon otsi. <sup>18</sup> Kwete taghatyemile echaghanelon kikyetyeshalon.

<sup>19</sup> Oochu oontsutli tontyo tyesha, yaih James Zebedee machue, kahchu John mekye, atilon tachin ela ehkye atyi tyemil keyatinklulon. <sup>20</sup> Kwete tyechi yehtilon: kwa taghata echughanelilon tachin ela ehkye atyi Zebedee oochu keotihche yu, oochu kikyetyesklit.

<sup>21</sup> Oochu kochi ghatyestyetl Capernaum; kahchu kwete taneghaotatyech kwa kwiya menejitti dzineneh tane chehotyeh. <sup>22</sup> Oneghanintyellon yaotihche: kooatinti yaotatiheh otech oochu tatihi natsuti kehchi ayihoo mawoochuli, atu adeskle tane kehchi. <sup>23</sup> Oochu iehi kweh atiih hligi teze ta kwa taneghaotatyech yaghati metseli ayih; kahchu ootystalon, <sup>24</sup> Toowe ooli, Atu aghaitaniah; atu ooli nagha assitli iyo aoohti, nuni Jesus Nazareth otsi? Yuhchitiyala aghayaonila? Atanasti nelesi Nagha Tgha Maatsinde Oochu ooih.

<sup>25</sup> Jesus toowela ooli yehti, yachioote, Atu oonatih yehti, setseghatiyah yetsun tsi. <sup>26</sup> Kootoo aghaghatai tsunale too yayaghinchil, oohtye ootystalo, yetsi hadesha. <sup>27</sup> Aghanetye ooghatesta, aghanetye chu koohtaghoati, tiyeohtye, yetike alontye? ye tane tsi oochatihi koonte? Aha kooesti otech oochu gha saghatai mayis atu natsset. <sup>28</sup> Koochhu oonthe atyeh meghoyuh yito kwa Galilee.

<sup>29</sup> Ayite otsi, ghaghatestyetlon taneghaotatyechi kwa otsi, kweghaghintyetyl Simon yu Andrew yu kwa, James chu John chu. <sup>30</sup> Simon tsiyue ma tyelasaty teskoone ayila, oochu koohoohati. <sup>31</sup> Yechidesha yila inchut, kahchu tahyatinti; kwete ayi teskoone ayila yecheli, ayi oota yakeotihch.

<sup>32</sup> Hatse kakhachi, naghioo, kiya nanila yatitine, yaghi chu mazichi yaghatia metselihi. <sup>33</sup> Kahchu atghe ehlaיתי tane natihiti tyechiklaghatai tusklahti. <sup>34</sup> Kahchu atghazi tatihi akooyilalon ayeeah natlone yehtanintyelon, kooyaghatai metselihi natlon oonteslalon; kahchu atu ketselihooh wahti iyao-ohti, achi atayatilon ayiwooh ayehti.

<sup>35</sup> Kahchu hatlindo, setsetho tsitike satalon, hadesha, kahchu koondehalon aghasuchalechi, kahchu iehi yachutatyeheh. <sup>36</sup> Kahchu Simon yehkyatehchi kikyehstyetllon. <sup>37</sup> Kikihtitsi, toowela ooli kiyehhtilon, Atghe tane ninkhaghanatghe.

<sup>38</sup> Towehchu yehti, Tane natehtsi otsidooshai kooche oohoostihi oochu, kootatooshigha lasasta aontye. <sup>39</sup> Kahchu tane tsiwohghintalon taneghaotatyech kwa kwe Galilee, kahchu atsinde metseli ghayatehalon.

<sup>40</sup> Kahchu machitatestyel tane tsusachi yaghoone yatsi nioonunisit, kahchu machi nachustachaklih, kahchu toowela ooli yehtilon Kooch koodinti ate oochu asaghoonlehassi.

<sup>41</sup> Kahchu Jesus, atyestasiltoo madzye tatilon nati gha tiesunni ihe, yetsi tahtatitichlon, kahchu yakatehtich lon, kahchu toowela ooli yehtilon, Kooch koosti; kwakoola oochu anatyeh. <sup>42</sup> Tsiwohzon oatyech otye, susuchi yetselilon, kahchu oochu ootyelon.

<sup>43</sup> Kahchu yatatilon tsiwohzon itintiah, kahchu oochu tyehalon; <sup>44</sup> Kahchu toowela ooli yehtilon, Atu kahchu ooli ataonti niwotine: kahchu achutiya, nazi yueh taneghaotatyech metihi, kahchu khaniah

naoochu oohtyi ihe yaghi Moses za kyehchi, ata kiyutithi. <sup>45</sup> Kahchu hadesha, oohtye awonetye khoota-wootyelon, kahchu tike okehe khoatawootyelon, kwa hlilon Jesus atu tanetghakweya tyetachatlihi kwa iyu meheaoontye, ahwole kemwehchi tike alilon, kahchu kiyinkhatestyetllon ewonetyeti otsi.

## 2

*Tghachyestla Onketi.*

<sup>1</sup> Kahchu kwiyalon Capernaum tahke dzine oolitataich wazilate; kahchu kooachatilon ayiti nito kwa oota ko-ochati ihe mewoyu. <sup>2</sup> Kwete natlone tyechi ghlaghatilon, kwa hlilon taghadesmanlon atulitah ookuzze ooli ghintlon kye, kwa hlilon tusla aghoo ooghata taghadesman ghintlon kye; kahchu sa yatatilon. <sup>3</sup> Kahchu kiyinkhatestyetl yatilonoo yatithi ihe, tyentane kooyahtyel. <sup>4</sup> Kahchu chude ugha otsighatayel iyua aontye ootaneghutl kye, nighatilon anetiyyi ootaneghutl kye alinti; kootoo ghaghatagheoo yatilone, kitaghintsut takeustyi tyela satyechti. <sup>5</sup> Kootoo Jesus wai aha oochati, toowela ooli yehtilon ayi yatilone, Sechue, nametselihi naonchatuleli.

<sup>6</sup> Ahwole tahkine ayiti tyechii adeskesne, kahchu koodzye otsi indighateshalon, <sup>7</sup> Yeogha ti teze atu oochu ateotyey? mea metsehhi ka oontoollassi kootahtye Nagha Tgha zon?

<sup>8</sup> Kwete Jesus ataotio yaghatei intidesakehe, toowela ooli yehtilon, Yehoo oohtye naghadzye ihe intidaa aontye? <sup>9</sup> Tyeyi meotena achatooti kehe yatilone, Nametselihi naonchatooolel; koohehe, Tsitike sinta, nustyi neodiagh? <sup>10</sup> Atawahtilihi iyu aontye hligi teze Machue natsutti ayehi chude tike kakametselihi naghaoontoooleli, (toowela ooli yehtilon yatilone,) <sup>11</sup> Toowela nesiih, Niiya, nustye nioodiah, nakwa otsidiya. <sup>12</sup> Kwa kwete niiya, ustyi nioodioo, kahchu hadesha aitye yai; kwa hlilon atghe yaooli, kiyaooli Nagha Tgha, toowela ghatyeh, Atu haoontyedi oohwetyi tahooli.

<sup>13</sup> Kahchu tu chok meootyeha; atghe aghanetye machichatyeha, kwa yaotatich. <sup>14</sup> Intyizon ghayalu, yailon Levi Alphaeus ma chue sata sooniya mechetilichti, toowela ooli yehtilon, Sakyetiya. Kahchu niiya yekehatesha.

<sup>15</sup> Hesai wazeluh Jesus yakwa kwesata atsitsoo, natlone tanechowhoine chu metseline chu Jesus yakahtetsi yaotatichne chu: oochu ghintlone, kooketestyetl chu. <sup>16</sup> Kootoo hatseto adeskesne chu Phariseene chu kiyaaichi inka aghatsitsoo tanechowhoine chu metseline chu, toowela ooli yehtilon yaotatichne, Yehoo yakaatsits aontye yakah chu tuaton tane chowhoine chu metseline chu?

<sup>17</sup> Kootoo Jesus ootitsahoo, toowela ooli yehti, Yaghine oochu oontyene atu kiyinkhasootati yutane, yatitihizon: atu yuhchideya tyechi kooyusine tyeswe yaghitane, ahwole ayi atu tyeswe yaghitane chodeh kyetsahanohoohehe koometselihi ooghatihuali.

<sup>18</sup> Kahchu yaotatichne John chu Phariseene chu oneaghatatihya toonkye: kahchu yuhchihatesstyetl toowela ooli, yehoocha yaotatichne John chu Phariseene chu oneatehaya aontye, ahwole nuni maghot-itchne atu oneatehaya?

<sup>19</sup> Kahchu Jesus toowela ooli yehti, Maskyege la kwa nichiyehi kooyehkyatechi oneeatatulela la? kooyehkyatechton atu oneatehaya iyu aontye. <sup>20</sup> Ahwole kwa kwete khoonahwozetasi, kootoo mka tuchainklitne kwiya kwa oochayahate, kahchu ayi dzine oneeatatuyelassi.

<sup>21</sup> Atu chu ooli koonde ale ooli tsatse ihe kyechatookhatassi, yaikoole koonde ihe kechaghinghati kwa hlilon hleooyu awotiassi. <sup>22</sup> Kahchu atuline tata ahklitassi chiche tu koonde satsoone tonityeto otsi: atu chu chiche tu ooli tsatse tataoohklit ootookyeyasi, kahchu natesklitichiche tu, kahchu mataootsayih ootookyeyasi: ahwole chiche tu koonde ooli ta koonde chuhklitassi.

<sup>23</sup> Kahchu otles tghah niya achuniyehti Menejitti Dzine; kahchu yaotichne makye ghatehlu atghe inchaghakinesla otles. <sup>24</sup> Kahchu Phariseene toowehchu vehti, Nye, yehoo kooghghaghati aontye Menejitti Dzine atu tu dzine kooh ghatsati iyu aontye?

<sup>25</sup> Kahchu toowela ooli yehti, Atu makyeh ootahtyech tah oolila David aontli kootoo intaklinto kahchu tapatoo, atane chu ayi vehkyatichiche chu? <sup>26</sup> Kwiye sikooh Nagha Tgha kwa, intyizon Abiathar taneghaotatyechi metihi chok acha, kahchu kiyatsetslon otles oochu atuline yetsitslon gha yai zon taneghaotatyech, kahchu yayigholon ayi yehkyatichiche.

<sup>27</sup> Kahchu toowela ooli yehti, Menejitti Dzine achilalon tane gha, kahchu atu chu tane Menejitti Dzine gha: <sup>28</sup> Ayigho teze Chue ghakaoodzut Menejitti Dzine.

## 3

*Tghachyestla Taiti.*

<sup>1</sup> Kahchu tyetachatlihi kwa kwiya: ayiti teze natyelon mila taneskyelon. <sup>2</sup> Kahchu kiyunailon, ooka ooli asityeh kha Menejitti Dzine nai; kitalih iyu aontye. <sup>3</sup> Kahchu toowela ooli yehti ayi teze mila taneskye, Hatelon atichi nazutooh.

<sup>4</sup> Tooweh chu yehti, Oochu la oochu keochouahch Menejitti Dzine, ketseliooh keochouahch? tane ghaghatay gha kasoochatoyi gha koohe? Ahwole atu ooghati. <sup>5</sup> Kahchu anetye klonakatghalon madzyehatsutooh, kyeochehlah ihe tane dzye natsutti, tooweh chu yehti teze, Tahtatinti. Ooh kahchu tahtatintieh: oochu mila natsaghinhtalon achune kehchi. <sup>6</sup> Kahchu Phariseene achughatestyelon, kwete hla nighohanintalon yai chu Herodianuk, tihakehe soo ookitoohtelu.

<sup>7</sup> Ahwole Jesus achutyehza yaghotine chu tu chok tsi: Kahchu tane natlone Galilee otsi yu Judaea otsi yu yekehstestyetl. <sup>8</sup> Kahchu Jerusalem otsi, kahchu Idumaea otsi, kahchu o-one otehchi otsi Jordan, kahchu aghatane ahthaze Tyre yu Sidon yu, ghintlon ke, ooghatitsuk chi ayi oochu keoahchi, kiyinkhadasha.

<sup>9</sup> Kahchu yaotatichne tatilon, ela ckok natsutli ootagha iiti wotheooga kooghoityi tane natlon ke kha ati makechichiticha. <sup>10</sup> Atane natlone yaghihti ihe; kwa hlilon yinkghanotyetsuts yakatutihikha, anetye ayi tatihi akooyahine. <sup>11</sup> Tane yaghatai mindicheli kahchu kiyainchi ate, kyechinachustaklih, kahchu ghatyezul toowe la ooli kiyehiti ihe. Nuni Nagha Tgha Chue nelaontye. <sup>12</sup> Kooh oochu atu soohchiwoti atu atachutihikha.

<sup>13</sup> Kahchu khis ehkyeghiyalon, kahchu ayizon ayuti tyechi yehti: yachidesha. <sup>14</sup> Kahchu keneti onketi matgha kliniyanila, yekyeootichigha, kahchu achutehalon udzih oohootigha. <sup>15</sup> Kahchu ayulhi gha natsutti, kahchu atsinde metselihi hayatuhi gha: <sup>16</sup> Kahchu Simon yindizi yakechioosun Peterlon; <sup>17</sup> Kahchu James Zebedee machue, kahchu John, James mekye; kahchu nindizi yakechioosun Boanerges, ayi nahthunni uskyege chatyeh: <sup>18</sup> Kahchu Andrew, kahchu Philip, kahchu Bartholomew, kahchu Matthew, kahchu Thomas, kahchu James Alphaeus machue, kahchu Thaddaeus, kahchu Simon ayi Canaanite, <sup>19</sup> Kahchu Judas Iscariot, mazi atahootalon: kahchu nito kwa kwighaghintyelt.

<sup>20</sup> Kahchu natlone natsughanestlalon, ehnye kwa hlilon atu otles atsitslon natlonke. <sup>21</sup> Kootoo meootinoo ootitsukoo, achughatestyelt kiyuhchutigha: aghatune kooghatyeh, Tinditaodesoissi.

<sup>22</sup> Kahchu adesklesne yuhchighatestyelt Jerusalem otsi ghati, Ayehi Beelzebub, kahchu yaghatai metselihi iiti otsi hayateha. <sup>23</sup> Kahchu koohchu yinkhawoti, kahchu too we yehti, tyecha otsi aghaghatai metselihi hatsatoohyelt oontye ayi aghaghatai metselihi? <sup>24</sup> Kahchu lahti tane natehti intsake yawoinklit ate, ayiti tike ii oowotoehassi. <sup>25</sup> Kahchu ayi nito kwa yaonghinkliti ate, ayi nito kwa oowotoehassi. <sup>26</sup> Kahchu aghaghatai metselihi ataniya ate, kahchu tezi yanhe ate, atu oowotoehassi. <sup>27</sup> Atuline kweyali iyua aontye teze natsutti kwa, yenatunne yatatulelu, hatse tahyaghesklu teze natsutti; atezon ya kwa yaghonile iyu aontye. <sup>28</sup> Kwa hli anaghaisilon, Atghe metselihi kooya oochatooelassi tane uskyege, kahchu soocha oochatihi: <sup>29</sup> Ahwole ayi ketselioo atii Menejitti Oochu atu ihlaataeoo ayehi kha, ahwole seghaai ayehi noonizutti oonchatalihi: <sup>30</sup> Ayighoo ayehiti, Ayehi aghaghatai metselihi.

<sup>31</sup> Kahchu mekye chu ma chu iiti otsighatestyelt, kahchu tsehti nazutooh, kilati, kiyinkhaooti. <sup>32</sup> Kahchu tane natlone yaka tghanatihtsi, tooweh chu kiyehiti, Nea, noo chu nehtghizinne chu tsehti naghatehya ninkhaghanata. <sup>33</sup> Kahchu ateyatelia, toowechu yehti, Mea anne eli, setghezinne koole? <sup>34</sup> Kahchu khlonkanatgha ayi yaka khloyetsi, kahchu toowela yehti, Ahi anne chu sehtghezoon chu! <sup>35</sup> Atunne zon kooh ghawoteassi ayi Nagha Tgha indi, ayi akye chu, ustye chu, unne chu.

## 4

*Tghachyestla tinti.*

<sup>1</sup> Kahchu tyigha tane ootatech tu chok tghamweh: kahchu natlone yinkhadesha, kahchu tachin ela ehkyiya, kahchu tu chok tih ali; kahchu atghe tane natlone tike wohzon. <sup>2</sup> Kahchu yachioteh ooli natlon yughotyeh, kahchu toowe ehti otsiootihi, <sup>3</sup> Oochu atahtsuk; Oochu hadesha otles alihi tane anihiyihi niyilihi gha: <sup>4</sup> Kahchu intyizon achunihyehiti, tahkine yainkhyi tinkuzze, kahchu chua etye yaghatetyeltlon. <sup>5</sup> Kahchu tahke nooghinklit tsyetgha, atu oonchadi tike ooliite; kahchu kwete ghanaghiyu, atu tike tatghoe: <sup>6</sup> Ahwole chelon sa niniya, maziche ninihklitlon; aha oona maghaye toontooyei, ayi ihe taihtsutii. <sup>7</sup> Kahchu tahke nooghinklit ghoos chine chok tgha, kahchu ghoos chine chok ghanaghiyu, kahchu klighatanityetUon, kahchu atuli machiche oolilon. <sup>8</sup> Kahchu achu nooghinklitlon tike oochu ti, kahchu machiche ooghiyelon ghanaghiyu yu kahchu tainyecho; kahchu yahlonihyu tahke taoketyi tahke chu edzetaiti ketyi, tahke chu keoneti ketyi.

<sup>9</sup> Koohchu yehti, Yaghi matsaghe ooli, inkai ootootsuke yehti.

<sup>10</sup> Kootoo chlatyo ayi yehkatyelichi yaghi chu keneti onketi matgha tawotya yehti kawotzutne gha. <sup>11</sup> Kalichu toowela ooli yehti, Naghunni aghaoochuneoh aontye atawohtihiglia tyewotye hai koosti Nagha Tgha kyeyi: ahwole ayine tsehti natihne, atghe ooli keowaach yehe achatih: <sup>12</sup> Wai oochui, kahchu atu hlyenahotih gha; kahchu ooghatitsukoo ooghatootsukassi lon, kahchu atu klaghatootsukassilon; koohchu oolita ghooghanetyela, koometselihi kooya oone oochatulel akhe.

<sup>13</sup> Kahchu toowela ooli yehti, Tiyeghakehe atawahtia ooli kehe yagghaghaanti kehe? koohchu yeghateh atawahtia atghe otech? <sup>14</sup> Oonehyene oneehyoh sa. <sup>15</sup> Kahchu aghatane tinkuzze tatihne sa chunihyehiti; ahwole kootoo ooghatitsukassi kooh ghaghatai metseli kwoto ootidesha, kahchu yazake yuhniiyatiooh yadzye ta otsi. <sup>16</sup> Kahchu aghatane chunihye ine tsye tgha; kootoo sa ooghatitsuk, kwete neoatiooh soochanetye; <sup>17</sup> Kahchu atu ghai ighutaklilon aghatane hahte, kwa tiwoitsi zon ghaghatalon, ootlwe kootoo sookhaootaya kootoo hlachatatane niwoya sa tachi kwete chahte intighatesah. <sup>18</sup> Kahchu aghatane ayi yachunihyene ghoos chok chine tgha; ayi sa ooghatitsuh, <sup>19</sup> Kooh tidi tike indi, kahchu mihe atsunnetaye yu mihe tatintlon yu, kahchu machachintye achu ooli kwenachaghila otcho ooli sa, kahchu atu machiche ooli. <sup>20</sup> Kahchu ayi mehoochunihyehi tike oochute; ayi ootitsukne sa, kahchu niooatioone, kahchu machiche ooli, tahke taoketyi enetyi, tahke chu edzetaitiketyi, tahke chu keonetiketyi.

<sup>21</sup> Kahchu toowela yehti, Nachila takooche nichualli ghotwetghulle yue take ustyi koole? koohchu atu nichioote takoochechine? <sup>22</sup> Agha atuli nachunehi atu mewotuti; kahchu atuli tanetcha maghuchata iyu aontye, ahwole atachuteassi. <sup>23</sup> Koole matsaghe oolyetane inkai ootootsukassi.

<sup>24</sup> Kahchu toowela ooli yehti, Tyeke ayi ootahtsukki: ayi ihe tikeghaklyeli, ayieh nagha tsi tiketsalelassi: kahchu naghai ootaghahtsukki, ootehchi nahachuallassi. <sup>25</sup> Yaghi ayehi, machuallassi: kahchu yaghi atu ayehi, mehwayachutallassi koole ayi ayehi.

<sup>26</sup> Kahchu toowela ooli yehti, Koohia ootye oontye Nagha Tgha kyeyi, hletye teze oochunehyehti oodihyitl keoontye; <sup>27</sup> Kahchu satyi, kahchu niya hatleke chu dzine chu, kahchu achunehyehti ghanaghihu, atu ataoti noontye sikooh. <sup>28</sup> Ghoo yaghi tike atai hahte otsi ghanaghihu; hatse kloke eli, kahchu hachaghinaghiyu, kahchu otlweh ootles. <sup>29</sup> Kahchu yaghi chiche ghanaghihuta, kwete atataz, khoo chotazze dzine eli.

<sup>30</sup> Towehchu yehtlon, Tyechi otsi gha Nagha Tgha kehchi niwowotal aontye manatake? koole hletyi indi nighaootal aontye? <sup>31</sup> Hleoontye oochuniliyehti ehlatye yutanikluhi machiche, kwa nichalesta oonahyehe tike, eyi zon natsutli anetye oochu ihyehe tike tih: <sup>32</sup> Kwa aochelesta, oochu nichulesta ayi zon otehchi yaincha anetye nichulihchassi, kahchu matatse natlon; kahchu ayiti chua yayue sacha iyue tehtsi.

<sup>33</sup> Kahchu ayi etye akychehi oochatitih ihe ehlyataton, ghanawesittih oohasohtsoo gha. <sup>34</sup> Ahwole atu ya-i-ti-tyes ate atu yachiwotyehton: kahchu sahta aghatinta, yaotatichne atghe yataton.

<sup>35</sup> Kahchu ayi dzine, kahkachi aocha, toowehchu yehti, Onka nataghokye taityechi. <sup>36</sup> Kahchu yite kitehalon tane natlone, nighatila aontye sikooh. Kahchu kooyeh testyeton tachin ela ihe. <sup>37</sup> Kahchu intsi chok niya, kahchu tuyune nachalon tachin ela kooyeghe tiketlalon, kwa hlilon tadesmanoo. <sup>38</sup> Ahwole atai haiseuhi, satyi tsiatakayeh: kahchu tsikiyaniha, toowehchu kiyehi Metihi, atu aghaititawoala tghataozitassi?

<sup>39</sup> Kahchu niya, kahchu intsi tsiwoti, toowehchu yehti tu chok, Tyeke tahtsi. Kahchu intsi atyehzut, kahchu ohtye tyesghutl.

<sup>40</sup> Kahchu toowela ooli yehti, Yehoogha onenatyetl aontye? yehoogha atu a kootahti aontye? <sup>41</sup> Kahchu ohtye onighanintyetyl, kahchu toowela klaghatati, Ye teze alontye koole intsi ateate chu tu chok yuzehsto?

## 5

### *Tghachyestia hlahcheti.*

<sup>1</sup> KAHCHU nighatiooh taityechi chisinchi tu chok, kootike tsi Gadarene matike. <sup>2</sup> Kwa kootoo tasaya ela ehkye otsi, kwete yatitityesha ehlatye teze natine kwa otsi ayehi yaghatati atu mayis natsutooh, <sup>3</sup> Makwa ooli natine tgha; kahchu atuline yatahnatsut iyu aontye ihe ayii ihe atu tah taghatsakluh iyu aontye, atu satsoone klule aghoo ihe taghachakluhassi: <sup>4</sup> Tewotye oontlon tahtsughesku mihe klule ihe kahchu satsoone klule ihe, kahchu satsoone klule yatayaghechil, kahchu makye chine klule oochu yatayaghechil: kahchu atuline oochu ayilih iyuntye. <sup>5</sup> Kahchu inkaa hatleketahwoyu dzinetahwoyu, ali khis tah, natine tgha woyu, otyesta, kahchu atakahi tatazo tye ihe.

<sup>6</sup> Ahwole tontye tsi ghotsi Jesus ya-i, otsitehla yatsi nachustaklyeh, <sup>7</sup> Kahchu ohtye otyesta, kahchu toowela ooli yehti, Tyeke kehe na-kye-o-os-tyi-cha, Jesus, nuni otehchi ooli yatehchi Nagha Tgha chue neli? Natsinioonunisit Nagha Tgha tsi, atu nidisawositi. <sup>8</sup> Atai toowela yehtie, Sachighatiya teze zi tsi, nuni atu neyis natsutti aghaghintai.

<sup>9</sup> Kahchu tawotya yehti nindizi tyeoolya yehtlon? Kahchu toowela yehti, Legion, oohzi: nitlon ihe.

<sup>10</sup> Kahchu yatsinioonunisit atu achu tsutoohigha ayiti tike otsi.

<sup>11</sup> Kahchu ieti alii hwaza khis tah koohkoos natlon eghihta. <sup>12</sup> Kahchu atghe aghaghatati metselihi yatsinioonunisit, toowehchu yehti, ghotsiaghatiha koohkoos natyehi, koohkoos zi toontyelikha. <sup>13</sup> Kahchu kwete Jesus ghatyeh yasehla. Kahchu naghaghatati atu mayis natsutti ghaghatyetyl, kahchu koohkoos zi tintyetyl: kahchu koohkoos ohtye kyehodihsut ichulti tu chok tghamweh, (oolitah onkye keoneti keoneti;) kootoo chu etye tukooghiwolon.

<sup>14</sup> Yaghaine koohkoos zaaliine taghateyetyl kooghohwati nito kwa atyih kahchu ayiti tike. Kahchu otsighateyetyl ayi ye keochaahch aontye. <sup>15</sup> Kahchu Jesus kiyunintyetyl, kahchu kiya-i ayi tane atsinde metselihi ayehi, kahchu kootoo ayehee ligiona, sata, kahchu natunne tasata, kahchu tyeswe indi ahi: kooh onighanintyetyl. <sup>16</sup> Kahchu yaghine oohwa-i ine kitati oontye sikooh ayi tane atsinde metselihi ayehi, kahchu koohkoos ihe. <sup>17</sup> Kahchu tyikichi nioghaghahanintyetyl achutooyigha kootike otsi.

<sup>18</sup> Kootoo tachin ela ehkyiya, yaghi ayehee tane atsinde metselihi yachinioonunisit yehtootyeli gha. <sup>19</sup> Atu ghate yasehla Jesus, ahwole toowela ooli yehti, Oointna niootinoo khadiya, oochu kootinti ooli Ghakaoozutti nakeoahchi, kahchu noochuya. <sup>20</sup> Kahchu achutyeha, kahchu khoodaootyeh Decapolis yechatgheze Jesus oochu nanakeochaahch: koohchu aitye tane khaoghali.

<sup>21</sup> Kootoo Jesus natyeshi tachin ela ihe taityechi, natlone tane yachtityetyl: kahchu hwa tuchok alii. <sup>22</sup> Nea koohzon ehlahti yinkhatyeha kakaoozutti tyetachatlili kwa, Jairus ooyi; kootoo ya-ichi, nakye kuchi naitsut, <sup>23</sup> Kahchu ohtye koonoo yachinioonunisit, toowehchu yehti, Setue tyele satyi koola tehtsutooh: nachinioonunisit, samakataooti, naghaootai gha; koohzon hanalaite ootisi. <sup>24</sup> Kahchu Jesus yehkatch, kahchu natlone tane yakehtyetyl, kahchu kikyeeohsut.

<sup>25</sup> Kahchu ehlahti tsege, yaghi keneti onketi matgha yaskehe matulle natatyehizon, <sup>26</sup> Kahchu natlone ooli yakeoohchi natlon yutane, kahchu yaghatetla ayi oontyei, atuli akehe naghiteyo oontye, atatihe tati, <sup>27</sup> Kootoo Jesus otsi ootitsukoo nooja otsi keistla otsi yatsityesha ootaneghutl ihe, kahchu yakestue katehtich. <sup>28</sup> Atune toowela ehlie, Manatunne zon aghoo katyestich ate, oochu awostyeassi. <sup>29</sup> Kahchu kwete otsi tul natatyehi sakoon; kahchu atyetyehi mazi tsi nachagihta avi tatihi tsi.

<sup>30</sup> Kahchu Jesus kwete ataotihoo mehnatsutsutti mazi tsi hatsatooh, natunesha tanetische, kahchu ehti, Mea ali senatunne katehtichlon?

<sup>31</sup> Kahchu yaotatichne toowela yehti, Natlone tane ghii tanighatlu, kooh tinti, Mea sekahtitich?

<sup>32</sup> Kahchu klokanatgha yui gha ayi ooli keoachine. <sup>33</sup> Kahchu tsege ooniya kahchu ghati ihe, ataootioo ooli maachahi matsun tsihi, yuhchi yachi yuenenitooh, kahchu yatati aitye hlunchati. <sup>34</sup> Kahchu toowela ooli yehti, Ghutue aha koodinti nanaghinta-iilh; taichi tyege inditiah, kechutintih natatihe ihe.

<sup>35</sup> Intyizon kwaka ootayichoo, yachidesha ma kwa otsi yaghi yakaoozutti tyetachatlihi kwa tahkine atine, Netue tehsut: Yehoo gha mehchintahcha otehchi Metihi?

<sup>36</sup> Kwete Jesus sa ootitsukoo, toowela yehti ayi kakaoozutti tane tyetachatlihi kwa, Atu ooniyooya, aha koodinti zon.

<sup>37</sup> Kahchu atuline hateh gha sehla oolino yekehtooyi, Peter zon, kahchu James, John chu mekye James.

<sup>38</sup> Kahchu khooniyalon kakaoozutti kwa, kahchu wa-i oontlon tsi oochataahoo, yaghi chu atsukki kahchu ohtye atsukki. <sup>39</sup> Kootoo kwiya toowela ooli yehti, Yehoo gha oontlonchi ootahah aontye, kahchu ahtsuko-oyu? ataze atu tehsut, ahwole satyih.

<sup>40</sup> Hatyeh oontlonchi kiyuhaghatakluch. Ahwole ehtyazon aitye hayateha, otsighadesha yatgha chu you chu ata, kahchu ayi yehkyatechii, koohchu kwinaghacha ata tyelasatyinti. <sup>41</sup> Yila inchutlon ata, kahchu toowela yehtilon, Talitha cumi; ayi chati, Ata, niya, nesii. <sup>42</sup> Kahchu kwete ata niya, kahchu ghayahl; atai keneti onketi matgha mayaskehe. Ohtye o-ochi khaoothalion aghawochule kehe. <sup>43</sup> Ohtye atuline tataoonti; kahchu atya kehe oolita ooli machuhchut.

## 6

*Tghachyestla edzetaiti.*

<sup>1</sup> KAHCHU ieti otsi achudessa, kahchu yuhchidesha ghochati matike; yaotatichine chu yekehdesha.

<sup>2</sup> Kahchu Menejitti Dzine khoonionizutooh tye tyetachatlihi kwa taneghaotatyech natlone kootitsakoooh khawoalli, ghatih Tyecha otsi niyatilonnye? Kahchu ye o-ochi mehoochayu tidi machioo, koole yaghi oochu ekyeotatichi ayilali tila ihe? <sup>3</sup> Atu ayila tachin atali, Mary chue mekye James, Joses chu, Juda dm, Simon chu? kahchu mehtghezze chode mekyechatich? Kalichu atu oochu yatsiintighadesa.

<sup>4</sup> Kahchu Jesus toowela yehti, Tane chi otine tune atu mooh oontye iyu aontye mehe meachatachai, atunezon tatike hwa yule iyu aontye, kahchu atai hahte menachine, kahchu atai hahte ghochatih makwa. <sup>5</sup> Kahchu ayiti atu kooye keoachlon mehmaxochuli kewotiche, tahkine ghatyeh katehtichlon yatitine, kahchu nayaghihtalon. <sup>6</sup> Kahchu kawolilon atu aha yutieh. Ahwole atghe tane tanenatih akehe klodeshalon, taneghaotatyech.

<sup>7</sup> Kahchu keneti onketi matgha tyechi yehti, eontye tsi yeteha onkyetatatyeh; kahchu yehnatutti yayila yatanatsutti naghaghatai metselihi;

<sup>8</sup> Kahchu aychti atuli yatoolai kyatehchu, tghes zon; atu etsunzis, atu chu otles tyes ali, atu chu sooniya kooghele tasulla: <sup>9</sup> Hoontyegho kyetlihi ahooh zon tatyeh; kahchu atu onketi kestue taooya. <sup>10</sup> Kahchu toowela yehti, oolitah nito kwa kwighaachatah, ayiti ahli achutahaz ti otsi. <sup>11</sup> Kahchu atu ninaghatile ati, naghatsukki ata chu, aisai iiti otsi achutaach ate, naghakye waghat otles ihe kooyeh ooghachtichi. Kwa hli anaghaisii, Otehchi aghatane Sodom yu Gomorrhra yu oochu awohtyesi ohtye tane tsiochatih dzine intyizon ayi tike.

<sup>12</sup> Kahchu achughatestyeh, kahchu tane taghatih ketselihi ooghachatutii gha, <sup>13</sup> Kahchu natlon metselihi ghaghateha, kahchu kles ihe yakiyehkluk yatitiine, kahchu nayaghinta;

<sup>14</sup> Kahchu metihi tyi Herod otitsuk mewoyu; (atgheze tike okehe midizi khoochatihe;) kahchu toowe ehti, John matukeghinkliti atai tustye otsi niya, kahchu ayiwo mehe ohtye keochatichi eotatyeh aontye.

<sup>15</sup> Achune ghati, Elias atai, kahchu achune ghati atane tai atahwotine, ehlatine eontye atane tai atahwotine.

<sup>16</sup> Ootitsukchi Herod, toowe ehti, John ayi matsi hlihyitl ii: tsitike nesta tustyi otsi.

<sup>17</sup> Atai Herod ghochati ochiyateha, John chu niyatinti, kahchu tane kwechayihiti tayagesklu Herodias ihe, mekye Philip tsiyue ihe: atai inkah hlakootsila. <sup>18</sup> Atai John ayehtii Herod, Atu wotezi nai awohi nekye tsiyue. <sup>19</sup> Ayeoo Herodias tike ocheltune yesoo hail akhai; ahwole atu hawootli iyu maaooontye: <sup>20</sup> Atai Herod John enejitieh, atayetioo tyeswe ghata, kahchu maghata oochu tane elieh teze, kahchu yama intityesha; kahchu yatitsukchi oontlon kehe keoachlon, kahchu kyanawolesilon ayiteh otitsukchu atane.

<sup>21</sup> Kootoo sookah nitsutooh dzinee khonionizutooh Herod niyi dzinee khonionizutooh hatleke eghohtai gha oola tametih gha, simakunnis metihi tyi chu, kahchu haladi kha kakaoozuni Galilee; <sup>22</sup> Kooh kootoo Herodias matue kwiya tahtitla, kahchu yakeneli Herod chu, ayi yakasatai chu, metihi tyi toowe ehti ayi atyedi, Soodinkyet ooli sachinioonunisitassi, atuli necho matuhsesi.

<sup>23</sup> Kwete oochu ayehti, Atghaze ooli assyesi oochu gho soodinkyet ate, tghatichi ooli assi naslelasi.

<sup>24</sup> Kahchu hadessa totsii anna. Ye ooduskyet aontye totsii ehtilon? Tsiyua so toowe ehti, John matukeghinkliti tsi.

<sup>25</sup> Iteteh kwete metihi tyi tsidesha, kahchu atakyet, kooh koosti atezon sahoalli tsa ihkye John matukeghinkliti tsi.

<sup>26</sup> Kahchu ohtye metihi tyi atu kenelilon; hoontye ooli oochu ati ihe, kahchu aghatane ihe kookasata, atu yaza ootihyul. <sup>27</sup> Kwete chu metihi tyi otsideha teze, kahchu matsi naghahal yehtilon: kahchu otsidesha tane kwechayehti yeti hlihyitl. <sup>28</sup> Kahchu yeti nanioo tsakye, kahchu atyedi ghioo: ooh ayi atyedi to ghioo. <sup>29</sup> Kootoo yaotatichine oghatitsuk chi, yachihatestyeh kahchu yazeche nighatihtyi, kahchu natine kwati naghanihtyi.



<sup>30</sup> Kahchu wochichatehane aghanetye intataghati Jesus aliiti otsihatestyel, atghazi kitatati ooli, keooachii, kahchu ooli tanegha ootatyechine. <sup>31</sup> Kahchu toowechu yehti, Tyetahtyel naghai tyinta oolite yaghi kemwehchi, kahchu oontsutli natahyih: kootoo natlon yuhchighatestyel kahchu yiteghatestyel, atulita ahwosits kuzza ooli.

<sup>32</sup> Kahchu naonani ela tu chok ehkyeatachi ehkyeghaghityel. <sup>33</sup> Kahchu tane kooya-ih achughatestyel-looh, kahchu natlone atakooyehiti, kahchu tane natihiti otsi atghe otsi ooghatehsut nito kwa otyiyi aghoo anetye oogha-i, kahchu tane tse nighanintyetyel, aghanetye kiyunintyetyel. <sup>34</sup> Kahchu Jesus hadesha natlone tane gha-ih, ohtye matsun tatihti kyehe indityesa, uspai etyieh uspai ghaghatane tane atu ayehi: kahchu tye yaghotatich natlon ooli.

<sup>35</sup> Kootoo ayi dzinelon kwakoole tontyeto kloeh ooli, yaotatiche yachitestyel, toowe yehtilon eh, Kemwehchi oolilon chodeh, kahchu kwa oonchadeh dzine kloeh ooli: <sup>36</sup> Achuyadeha tike okehe otsighatatyel, kahchu nito kwa ootlonchi, kahchu ataheghatutlihi gha otles tyes: atuli ghatsitsi aghahi ihe.

<sup>37</sup> Ateyatetlalon hoole toowechu yehti ihe, Naghamilon kiyiohtai kooyanahli. Kahchu toowe kiyehiti, Yaghe otsi watowyeli ataghawothhi ila sooniya onkye keoneti ketyi sachunai ehtye otles tyesta, yaghine ghaohchuti?

<sup>38</sup> Toowela ooli nayetilon, Taitya otles tyes ahiwo? oonkawahya. Kahchu ataghowatichi, toowela ghati, Hlahcheti, hluge chu onketi.

<sup>39</sup> Kooh yehtilon eonetye tsi tahti kloke tanepyeds tgha. <sup>40</sup> Kahchu ghatye gheskyih inchake, keoneti ketyi tatehiti inchnatatyel, taghane chu hlahcheti ketyi inchnatatyel tatehiti. <sup>41</sup> Kahchu hlahcheti otles tyes niyatila hluge onketi chu, koohtike ookahtgha yatsi kahchu merci yehti, kahchu otles tyes yataghiyits, kahchu yaotatiche ghila yaniyulel gha; hluge onketi chu anetye tghaestich. <sup>42</sup> Aghanetye eghaghintalon, oochu tataghanastolon. <sup>43</sup> Kahchu keneti onketi matgha kloke asklu ghaisis tadesmanoo mechaghintai ihe, hluge ihe chu. <sup>44</sup> Kahchu yeghaghintaiine otles tyes oolitah hlahcheti keoneti keoneti ketyi sihlon enetyi sihlon tezoo.

<sup>45</sup> Ieti tye kwete anetye ihe yutilon yaotatiche tachin elahkyeootyeli kha, kahchu taityechi otsighatuteligla haladikh Bethsaida, achutehaton tane. <sup>46</sup> Kahchu kootoo achuteha, atai chu yitaityesha khis tsi yaootootyech.

<sup>47</sup> Kahkachi aoocha tsi, tachin ela tatiche tsi tu chok taghalilooch, atane nunkuchi sahti ali. <sup>48</sup> Kahchu yayi ohtye keotichoo atowazu; intsita oolieh: oolitah hatlindo aoocha soo tane wohniyalon, tu chok khai niyalon, kahchu yaoooyeassilon. <sup>49</sup> Kiyainchi tu khai niya, kooh kooghati tane atsinde ali lontye kiyutih, kahchu ohtye oonighanintyetyel: <sup>50</sup> Aghanetye kiyai, kahchu atu oochu indighatyesalon. Kwete inchi ooghatatyech, kahchu toowela yehti, Ohtye soonahyte: suni asli aontye; atu ooneghahtyel.

<sup>51</sup> Kahchu inkhadesha elahkye atine; kahchu intsi adezut: kahchu ohtye khawoghali, kahchu o-ochi khawoghali. <sup>52</sup> Atu ayi indi ghati ihe ayi o-ochi keochaachi kehchi otles tyes: aghatane koodzye natsuttieh.

<sup>53</sup> Kootoo naghateskyi tsi, koonaghaghintyetyel tike Gennesaret, kahchu tghaghintyetyel. <sup>54</sup> Tghaghintyetyel tsi ela ehkye tsi, kwete atakiyehi, <sup>55</sup> Kahchu kyeton ghatich anetye ieti otusinkha, kahchu kyekyeyehitch ayi tyelisatyih tatihi, ali iteh oohatitsukooh. <sup>56</sup> Kahchu kwiyah assitih nito kwa chisinch, nito kwa otyiyi koole, tike koole, nikiyityih ayi yatitine atghunni tiche koole, kahchu kichiniiooghanunisit kikatutuhi gha ghatye makestue maihe aghoo kiyuchuti gha; yuhchutassihne anetye yaghtalon.

## 7

*Tghachyestla taiuohi.*

<sup>1</sup> KAHCHU anetye machachtyesha Phariseene, tahkine adeskesne chu, ha Jerusalem tsi ghatilhne. <sup>2</sup> Kootoo kiyainchi tahkine yaotatiche aghatsitsoo otlestyes atu ka tila tyeghinyekoo, ayi tsati, kila aghoo atu tyetsaghintyek, tahkine atu tyeswe kooghatilon. <sup>3</sup> Aghatane Phariseene, Jewne chu atghe, oontlon chi taghila tyenaghatichoo zon aontye, atu aghatsits athli, kooghatghoonoo yaootyih hatseto koola otehchi meetiotypeha. <sup>4</sup> Kahchu naghatichta ataghe tsi, atu natsun nootootihul ate, atu awoontsitsassi. Kahchu ooli natlon ooli nikitilaine o-otghooni, tsa nootoochatuhul kahchu mihe tu tsato chu, tanihkluchi satsoone tataoochayih takehchestai chu.

<sup>5</sup> Kahchu Phariseene chu yatiklesne chu, Taotya kiyehiti, Yehoo gha mawotintichne atu nakyehchi indi gha tyes aontye tane haladi otichne tane, ahwole otles tyes eghaghinta atu tahila tyeghaghinyekoo?

<sup>6</sup> Ateyatetla, kahchu toowe yehti, Oochu naghai nasetyilon Esaias naghani oontlon nahtahoo, takehnichatinkles akehe, Ayi tane oochu assaghati taaza ihe, ooh koodzye tontye saooch.

<sup>7</sup> Ghatye ahwole kooyaoostatech tanegha ooghatatyechoo tane mihe chioochatichi.

<sup>8</sup> Tyinta saoo Nagha Tgha otiche, ooahtghoon tane yaghita kehe, nootghochadehulli mehtsuto tsa chu: kahchu ooli natlon ayi etye keoghaach.

<sup>9</sup> Kahchu toowe yehti, Oochu Nagha Tgha zake kyenaghali, maghahtai yu aontye nagha onti. <sup>10</sup> Atane Moses kooehtii, Ohtye natgha chu noo chu tao-oncha; kooh hatyehlon ooline tatgha tsi to yu ketseliooh otiht ate, chazuhelessi: <sup>11</sup> Ahwole naghai atahiti aontye hoontyeoo ooli tatgha koole to koole, Corban ayi, ayi tsati, kachiahi, yaghi ooli nakeoostich iyu aontye; kao-ontsuti. <sup>12</sup> Kahchu atu otehchi machi niioonunahsit ooli yaaootli tatgha koole to koole; <sup>13</sup> Naghai hahte tsioone Nagha Tgha zake awahtla atuli kyewoti nagha oonti ihe, kanaoohi: kahchu ayi etye natlon ooli keoaach.

<sup>14</sup> Kootoo chu aitye tane kawoti tsi, toowola yehti, Anahtye soozahntsoo naghani kahchu atahtsuk: <sup>15</sup> Atuli ayi tane matsun khitsi tatyezut ayi mazi ti achi chahtayuleassi: ahwole yetsi hayatehai ayi ali tane chahte ayihihchi. <sup>16</sup> Ooline matsakhe oolitanee iiti ootootsukissi, inkai ootootsuk.

<sup>17</sup> Kootoo tane oochu tyesha nito kwa, kwenaghacha yaotatichne taontya yehtilon hleoontye akyehchi oochatihi. <sup>18</sup> Kahchu toowe yehti, Kooka naghatsi toontooe aontye? Atu kyanahthihela, ahtghazai ooli tsehtsi otsi kwetsutti tane, atu chahte ayili eyontye; <sup>19</sup> Atu madzye tsi ihe ahakootyeh, ahwole mapat tsi, kahchu hatsat oochu sookah nininkyeh aitye etsun?

<sup>20</sup> Kahchu toowe ehti, ayi tane tsun tsi hadehtsutti, ayila tsahte ayihihchoonte tane. <sup>21</sup> Koodzye ta otsi tane, ine tsi tatyestek ootye indi metselihi, soochachai chu, nakhochityeli chu, tlahchazaghai chu, <sup>22</sup> Atsunne achuneih chu, machachintyi chu, inditselihi chu, oochachiti chu, naona-i indyetselihi chu, atai metselihi chu, atacho chunehlihi chu, achachatachai chu, tsaoochayaghi chu. <sup>23</sup> Anetye ooli metselihi kwetsut tane tsun tsi, ahwole tane tsahte ayila.

<sup>24</sup> Ayiti otsi niya, kahchu tghanatyesha Tyre yu Sidon yu, kahchu nito kwa ootanaghacha, kahchu koonoo atuline atawo-oti kootilon: ahwole atu nana-i iyu aontyelon. <sup>25</sup> Ehlahti tsege matue ooli ayehii atsinde metselihi, ootitsuklon, kahchu yuhchideshalon kahchu makye keh nadsutlon: <sup>26</sup> Yaghi tsege Greek tane, Syrophenician ine tsi ihe otsi tazelh; kahchu yachinioonunisit hayatoohai gha atsinde metselihi matue zi ta otsi.

<sup>27</sup> Ahwole Jesus toowe yehti, Inkai hatse tsito tatanooto; atu oochu tsito taghaotlese kooyehwawachutalli, koochhu kli tsi tsatulihi.

<sup>28</sup> Kahchu ateyatetla kahchu toowela yehti, Ehye, aghaghintaihi: hoontye ooli takyeh yechihtati yue natunahtyeli kli tghaootsi.

<sup>29</sup> Kahchu toowe yehti, Tidi sa ihe oodinta; atsinde metselihi natue tsun tsi hadesha.

<sup>30</sup> Kooh niya tsi takwa, yihtyi atsinde metselihi hadesha tsi, koochhu matue takyeh usty keht tyelasatyi.

<sup>31</sup> Kooh kahchu yitaityesha Tyre yu Sidon yu otsi, otsidesha tu chok tsi Galilee, taghaniya Decapolis.

<sup>32</sup> Kahchu kiyananioo hligi majih oontoohu, atu chu oochu ootatichoo; kahchu yachinioonunisit kooya katootihi gha.

<sup>33</sup> Kootoo otsi yatehti tane natloni, kahchu yaji ta katihtich, kahchu ghizek, yetsoode chu katehtich;

<sup>34</sup> Kahchu yatsi ookahta, otyesta, kahchu toowe yehti, Ephphatha, ayi, Tahaootsitti. <sup>35</sup> Itetyeh kwete maji ta tachatil, kahchu matsode klule tihatuk, kahchu oochu otatich acha.

<sup>36</sup> Oochu atuline atawoti yehtilon: ahwole otaihchi atuline atsaih atawotihii, otaihchi ohtye koohtyeh; <sup>37</sup> Kahchu o-ochi kao-oli toowe yehtie, Atghaze ooli tsiwohzon keoachlon: oochu majioon-toowene anayitla oochu ootootsuki gha, kahchu saintakline oochu ootootyechi gha.

## 8

### *Tghachyestla edzentiyenti.*

<sup>1</sup> AYI dzine tane o-ochi natlone, kahchu atuli aghahi kiyutsitsi, Jesus yaotatichne tyechi yehti, kahchu toowe yehti, <sup>2</sup> Satyaghisunni tane natlone, kooch kwa taiti dzinee sihaghahtyeh, atuli chu aghahi ghatsitsi ooli. <sup>3</sup> Achu kootyehaitye tagha kwa tsi yaghatipatooh, woianh oohatootsitassi, natlone tontye tsi otsighatellyu.

<sup>4</sup> Kahchu yaotatichne atetyataih, Tyechi otsi gha tayanooto tine tane otlestyes ihe chode kemweh?

<sup>5</sup> Kahchu Taitya otles tyes ahi yehtilon? kahchu toowe ghati, Taiuchi.

<sup>6</sup> Tane tsi tsiwohzon tahtsi tike wozon: ayi ninayatila taiuchi otles tyes, kahchu merci ehti, kahchu yataghiyits, kahchu yaotatichne ghila oochu yanyiyuleli; kwa kiyaniyila ine tane gha. <sup>7</sup> Kahchu akiyehii tahke hluge yaintsutle: kahchu merci ehtilon, kooch ehtii ine gha nichuleli. <sup>8</sup> Kahchu eghaghintalon oochu tataghanastolon: kahchu nachatanatyetl neghatila mechacheliih, taiuchi kloke ghaisis tghatayesmanooch. <sup>9</sup> Kahchu ine eghaghinta, oolita tiko keoneti keoneti ketyi enetyi silon: kahchu achudehalon. <sup>10</sup> Kwete ela kiyiya yaotatichne chu, kahchu yuhchidesha chisinchi Dalmanutha.

<sup>11</sup> Kahchu Phariseene yuhchihatetsyetla, kwete kichi sooghatyehch, kiyinkhanata yakachi otsi ehtoole taootya kiyehi. <sup>12</sup> Kahchu ohtye hoontatachelon matsinde otsi, toowe ehtie, Yehoo gha ine chi hlioolate kiyinkhanata ehtoole, kwa hli anaghaisii, atuli ehtoole naghachualassi tine maghestyekne. <sup>13</sup> Kahchu yechudesha, kwete elahkiya taityechi otsi kahchu yitaityesha.

<sup>14</sup> Mawotintichne iine kiyutoonaghatihlon otlestyes kitoolai, kahchu atuli aghahii elahkye ehlahti zon otehchi otles tyes aghahilon. <sup>15</sup> Kahchu yechiwoteh. Tyeke khaghahta mehotles chihutli Phariseene, kahchu mehotles chihutli Herod natunne.

<sup>16</sup> Kahchu inchiowhatatyech, kooch atuli otles tyes assii ihe.

<sup>17</sup> Jesus atawotihchi, toowe ehti, Yehoo gha inchiotahtyech aontye atu otles tyes ahi? atu ka atawahtihala, atahtsuk koole? kooka naghadzye natatsutooh sahoohwoontye? <sup>18</sup> Naghatai chu ooli, atu ookanahtghaala? naghaji chu ooli, atu atahtsukila? atu chu kyejetahtila? <sup>19</sup> Kooya tseghila tsi hlahcheti otles tyes hlahcho ootatyeh keoneti keoneti ketyi enetyi, tanetyi kloke ghaisis tadesmanooch nachatanatyetl nita la? Toowe yehti, Keneti onketi matgha.

<sup>20</sup> Kahchu taiuchi aline kootghasitich tikooch keoneti keoneti ketyi enetyi, tanetyi kloke ghaisis tadesmanooch nitalala nachatanatyetli? Toowe yehti, Taiuchi.

<sup>21</sup> Toowehchu yehti, Yehoo gha atu atahtsak aontye?

<sup>22</sup> Kahchu yuhchityesha Bethsaida tsi; kahchu kiyananihtyi teze mataituehi, kahchu kichiniioohanunisi yakatutiihi. <sup>23</sup> Kwa yila inchut ayi teze mataituehi, kahchu nito kwa tsi achuyetehti; kahchu yatai keghizek tsi, kahchu yakahtehtichoo, taoontya yehti ooli ghiila.

<sup>24</sup> Kwa yachi tahyatii, kahchu ehti, Tane ghussi tachin etoyeni.

<sup>25</sup> Kahchu yatai katehtich, kahchu yitige ookanahta yehti: kootoo oochu oontyei, kahchu aitye tane oochu ya-iine. <sup>26</sup> Kahchu yakwa tsi yeteha, toowe yehti ihe, Atu otsitaoooya nito kwa, atuline chu tataoonti nito kwa.

<sup>27</sup> Jesus hadesha, yaotatiche chu nito kwa tsi Caesarea Philippi; otsighatelu, Taootya yaotatiche tsi ehtilon kooch yehtiihe, Mea ali saghatya tane?

<sup>28</sup> Kahchu toowela ghati, John tanetukeghinkliti tane ali: ahwole tahkine Elias ghati; kahchu achune atanetaihchi atawotine tane.

<sup>29</sup> Kahchu toowe yehti, Ahwole mea ne ahlaootye? Kahchu Peter ateyatetla kahchu toowela yehti, Nuni ayi Christ.

<sup>30</sup> Kwa yatati atuli tsi hohohoontye atuneoo.

<sup>31</sup> Kahchu tyi yaotatiche, teze chue atghazi ooli kawotoohunne, kahchu yenaooli hoola ale, taneghaotatichi metihi chok yu, adeskesne chu, kahchu tsazughelyu, taiti dzinee kaohtzut ate kahchu tsitike naootze.

<sup>32</sup> Kahchu ehtii ayi zake tanenichi. Kahchu Peter nayanaun, kahchu tyi chuhootatyeche.

<sup>33</sup> Ahwole natanyesha tsi yaotatiche chu kanehtgha, Peter chuatatichton, toowe ehti ihe, Satuchi otsidiya nuni atsinde metselihi: atu indi natih Nagha Tgha tsi tatesuttih, yaghi zon ooli tane tsi tatesuttih.

<sup>34</sup> Kootoo tane tsi tyechi ehti yaotatiche chu toowe yehti, Ooline sakehtayeh ati, inkai oochit atu tuti ninayatoooli matsookhatayaghi, kahchu nakehtuyesi. <sup>35</sup> Ayih sye nayaghohtalon kyehghata kehe, tghayatalassi; ayi tayadesoootai kyehghata kehe suni tsi kahchu otich oochu chu, ayi nayahoohtzei.

<sup>36</sup> Yechiha yatsi ewoyuesiha tane, tike okehe ootansut ateo, tatsinde tghayaghatyeshai ate? <sup>37</sup> Ooli sitah tyesooite taghatai tah? <sup>38</sup> Ooline siiooyale tane zake chu chode soochaghachatai chu kyidyetseli chu tanegha; ayilon atane tane chue yaoooyooli, kootoo yuhchininiye ate kochi soochunetyi Matgha keotichne oochune chu.

## 9

*Tghachyestla kalaketi.*

<sup>1</sup> KAHCHU toowe yehti, Kwa hli anaghaisii tahkine chode natehyane atu koozetse nio-olyezi, naooghaty-itsi ooli ate Nagha Tgha kyeyi khookoo-ozit ate mehnatsutsutti yu.

<sup>2</sup> Edzetaiti dzine kloee Jesus Peter chu, James chu, John chu hlyekeghatechlon, kwa hlilon otsighatyeshha khis tsi ohtye nataghisatti sahte ooghatyi: kahchu yakaitghaityeh achu meotati. <sup>3</sup> Kahchu makestue mesaniti takulli kye yas etye; atuline chode tike hahtye takulli awolene ooli. <sup>4</sup> Kahchu klohnaghatyethyl Elias chu Moses chu: kahchu inchiiooghatatyeche Jesus chu.

<sup>5</sup> Kahchu Peter otysta, toowechu yehti Jesus tsi, Metihi, chode itli gha oochu: inkai taodatyedi kwa aotlihi; ehlaiti nuni gha, ehlaiti Moses gha, ehlaiti Elias gha. <sup>6</sup> Atu ti kehe atu ataotili ihe; ohtye oonighanintyethyl ihe.

<sup>7</sup> Koos inchi ghililon: kahchu sa ooghatitsuklon yatsi, toowe otieh, Tai la se Chue menusli: Soozehtso.

<sup>8</sup> Intyizon, aoonetye ookaghanetha, atuline otehchi kiya-i, Jesus zon kooyekatech.

<sup>9</sup> Khis chi chyesta ghatestyetylu, yanaootatiche atuline tataeonti ooli ohwehtyi, teze Chue niya ate zon mazetse otsi. <sup>10</sup> Ayi zake kaghaghatalon, ayi yea tane zetse achatya oontye toon ghlghatati.

<sup>11</sup> Kahchu yehoo gha kiyehiti, ateskesne yehoo gha koohtaya oontya Elias hatse naoojezi?

<sup>12</sup> Kahchu ateyatetlalon, yatatio yu, Kwa hli Elias hatse niya, atghe chu ooli sookah niionila; kahchu takehnicatinkles akehe teze Chue ihe, natlon ooli kaootoohanu, kahchu menachule. <sup>13</sup> Ahwole suni anaghaisii aootye, Elias kwa hli nooja, akooghatai sikooh kooyekhatihitich, takehnicatinkles akehe atanewoh.

<sup>14</sup> Kahchu yaotatiche wohniya tsi, tane natlone yehkyatich chu yailon, adeskesne chu, taoontya tooooyetylion. <sup>15</sup> Kwete atghe kiya-ichi, atghe kaoooghalilon, kahchu kichiodesht yilaghinchutlon.

<sup>16</sup> Kahchu adeskesne tsi, Taoontya nayeti?

<sup>17</sup> Ehlaiti chu tane natlodi otsi ateyatetla toowechu yehti, Metihi nananihtyi sachue ayehi atsinde saitatlakli; <sup>18</sup> Kahchu oolita yihchut assiti koohoontye yayaghinchil: maza tsi oohwoos ooli chu, maghoo natatzutsun chu, toontyiyazighai chu: kahchu taoontya kooyesi mawotintichne ghakitoohai gha; kwa hli kooyandatla.

<sup>19</sup> Ateyatetlalon ahwole toowe ehti ihe, Naghai naghaje toontooe assine, taise tsi otsi naghai aootya aootye, taise tsi otsia naghatagha ooslya aootye? Sananaha.

<sup>20</sup> Kahchu kiyananooh: ya-inchi kwete atsinde kooghoontye yayaghinchil; kahchu tike nadsut, kahchu yatatyeyech maza tsi woohos haili.

<sup>21</sup> Taoontya yatgha tsi ehti taise toh otsi kooch hoontyontya? Toowe yehti tsito ali toh otsi kooch hoontye.

<sup>22</sup> Oontlon chu tsichataintyi tyenayehtyech ahoo yu, chahteyuliassi: ahwole oolita aotunatlilhon ate, ahoochunaya, kahchu ahachinooyeh.

<sup>23</sup> Jesus toowe yehti, Aha koodinti ate, atghazi ooli nakeotoonezi ayi aha kooti.

<sup>24</sup> Kahchu kwete ayi tsito tatgha tsi otysta, toowechu ehti manatu ooli, Naghaghantai, kwa hwe a koosti; oochinooyeh atu a koodestih.

<sup>25</sup> Jesus wa-ichi tane yuhchiinhlghatellyu, atsinde metselihi tsihgotye, toowe yehtie, Nuni naza oontoohi najih oontooe ahooyu atsinde nali, ohtye anesii, yuhchihadiya matsun tsi, atu chu mazi kahchu taooa.

<sup>26</sup> Kahchu atsinde otyesta, kwete chu yayaghinchil, kahchu yatsun tsi ghotyehsha: kahchu tane zetse etyelon; ayiwola natlone, Tehtsut ghatya aootye. <sup>27</sup> Ahwole Jesus yila inchut, kahchu tahyatihtyih; kahchu tsitike nesta.

<sup>28</sup> Kootoo kooyachi nito kwa, yaotatichne sahti wahtila yehtilon, Yehoo gha naghai atu nanitun oontye?

<sup>29</sup> Kahchu toowe yehti, Haoontyedi atu ghatyeh ooli ihe ghachatayach, neaghasuchuli zon atu atsutsits ihe chu.

<sup>30</sup> Ieti otsi achughatestyel, Galilee chu kyechoghatestyel; koohchu kootilon atuline atawo-otih. <sup>31</sup> Atai yaotatich ihe yaotatichne, toowehchu yehti, Teze Chue tsataghinsut tane tgha, kahchu kizoohelessi; kahchu tsazehai ate, kahchu tsitike nawataizi taiti dzinee. <sup>32</sup> Ahwole atu ooghatsukoo ayi zake, kahchu taootya kiyutekhai ooiann kyeghanajit.

<sup>33</sup> Kahchu yuhchidesha Capernaum: nito kwa oota ati otye taootya yehtilon, Yea khama ootahtyechii atghunni otichi? <sup>34</sup> Aghoo atu yachutyehlon: aghatai hahte atghunni otichi hoonchati inchi sooghatatyehlon, mea otehchi chatinchai kha.

<sup>35</sup> Kachu nesta, keneti onketi matgha tyechi yehti, kahchu toowe yehti, Ooline haladi tooshai ate, ayi zon hli haistlachi ayuhezi, kahchu tane gha aonetye gha keo-otechassi.

<sup>36</sup> Kahchu tsito niyatihtyeh, kahchu tane kuzze nayenihti: kahchu yakoone yinchut tsi toowe yehti, <sup>37</sup> Mea so niyatuhtyeloo ehlaiti ayi etye tsito sindizi kehchi, suni nisatintyeh: mea so nisatuhtyeloo, atu suni nisatintyeh, ahwole ayi yuhchisatyehai.

<sup>38</sup> Kahchu John ateyatetlalon, toowe ehctie, Meti, ghityeh ehlaiti atsinde metselihi hayateha nindizi ihe, atu chu naghaketayeh: kahchu nanitun, atu naghaketayeh ihe.

<sup>39</sup> Jesus toowe ehti koole, Atu nanaghahun, atuline keoosahch akehe keo-oachchasi sindizi ihe, kwete ketseli hakehe sachuohoteessi. <sup>40</sup> Kahchu ayi atu chahte anahilai naghachinati. <sup>41</sup> Mea so chu naghaooolu ehlaiti tsa taismanni tu woton tsindizi ihe, Christ ezon manatunne aghli, kwa hli anaghaisii, atu tayatooolassi machitikechalihi.

<sup>42</sup> Kahchu ooline chahteyayile assine ehlaiti tidi natsutli aha sooti, otehchi ootaizi atunewoh mehnachah-tune kasse tsye ma koos echaghesklu ate, tyechunnityeh ate tu chok ticha tsi. <sup>43</sup> Kahchu nila chahtontye ate, hlyenihul: otaihchi oochu nuni gha kweghoya tsaghatati achaghilii ihe, nila onketi aghoo kochi otsitiya iyu aontye khooon metselihi tsi, khooon atu nanatsaisti: <sup>44</sup> Nootya atu taikyehti, khooon chu atu nanatsaisti.

<sup>45</sup> Kahchu nakye chahtontye ate, hlyenihul: otaihchi oochu nuni gha kweghoya tsaghatati achaghilii ihe, nakye onketi aghoo ghotsinachatutyeyessi khooon metselihi tsi, khooon atu nanatsaisti: <sup>46</sup> Noota atu taikyehti, khooon chu atu nanatsaisti. <sup>47</sup> Kahchu natai nihe atu oochu ookaitghai ate, hanehchul: otaihchi nawotaizi Nagha Tgha tike tsi oowooeissi natai ehlaiti ate, natai onketi aghoo ate otsinachatuhtyeyellassi khooon metselihi tsi: <sup>48</sup> Nootya atu taikyehti, khooon chu atu nanatsaisti.

<sup>49</sup> Aitye tane sootakun natghachulelassi khooon ihe, tsichatulliih assi chu sootakun ihe matghaachulehesi.

<sup>50</sup> Sootakun oochu: ahwole sootakun natuetah sootakun matghachiliihi, tyeha kyeheha sootakun matgha awahlhiha? Sootakun kyatihch, kahchu oochu eotine klahtyeh.

## 10

### *Tghaohyertia keneti.*

<sup>1</sup> KAHCHU iiti otsi niya, kahchu yuhchiklodesha Judea tsi otaihchi Jordan natyechi: kahchu tane yinkhatyehsha; kahchu tane ootanaun akehe kooh otye keoach ahli taneghaotatyehchoo.

<sup>2</sup> Kahchu Phariseene yechitestyel kahchu taootya yehti, Oochu la teze tatsiyue yechanaolohu aotezi? kikaotyehunoo.

<sup>3</sup> Kahchu ateyatetlalon toowehchu yehtilon Tyeha kehe anaghehtya Moses?

<sup>4</sup> Kahchu toowe ghati, Moses hatyeh kha syeklah takehnichatinklessi o-ochatihtyehi adusklesse, kahchu oonchatoohtyellu.

<sup>5</sup> Kahchu Jesus ateyatetlakahchu toowe yehti, Naghadzye natsut akehe ayi ihe naghatsi achateskleslon tidi sa. <sup>6</sup> Ahwole hatseto otsi tike ooli toh Nagha Tgha teze oola tsege chu. <sup>7</sup> Ayi otsi teze tatgha echeli to chu kahchu tatsiyue kah awoti; <sup>8</sup> Kahchu kooh chu onkeghatatyeh kootsun ehlatootyehi: atu otaihchi onkyeghatutyehi ahwole kootsun ehlatootyehi. <sup>9</sup> Oo ayi Nagha Tgha tsayaghehtichii, atuline inchake niyulel.

<sup>10</sup> Kahchu nito kwa oota yaotatichne taootya yehti kwaka inhligi tsi. <sup>11</sup> Kahchu toowe yehti, Ooline assine tatsiyue odehtyehine achune chu makahtueh akoochaile ate, soocha keoach. <sup>12</sup> Tsege chu tatsiyue odehtyeh, kahchu makahtueh achilai ate, soocha keoach.

<sup>13</sup> Kahchu kiyananihtyehi tsito yechihai, yekatootihi; yaotatichne yachuoatatyeh ayi naghanihtyehi ihe.

<sup>14</sup> Ahwole Jesus wa-ichi, ohtye atu minihtike ooghilelon, kahchu toowe yehti, Ghateh kooyasahlah tsito yechihai sachaghatutyehi, kahchu atu nanahahun: ayi ihe nao-ozizi Nagha Tgha kyeyih tsi. <sup>15</sup> Kwa hli anaghaisii. Ooline atu niyatooti Nagha Tgha kyeyih yechinekehchi atu Nagha Tgha kahchi koowoyezi.

<sup>16</sup> Kahchu yakoone ihe niyatintyeh, kahchu yakatitich, kahchu oochu yachi indityeha.

<sup>17</sup> Kahchu yitai tyeha atghunni kehchi, ehlaityeh yuhchidesha ghatleluh, kahchu yachinachustatalih, kahchu taootya yehti toowe, Oochu Tanechiotyehi, tawoshlaitea ahtaze wostazonha?

<sup>18</sup> Kahchu Jesus toowe yehti, Yehoo gha oochu indityesa sindilon ha? atuline oochu oontye ehlaiti zon, ayi Tikeaootli. <sup>19</sup> Sa tsiwohzon atanati, Atu soocha aonta, Atu chu tane zaoohel, Atu chu anaooih, Atu chu ketselihoo tsiwotahoontich neotinoo, Atu chu tane nawoah, Ohtye taghooncha natgna chu noo chu.

<sup>20</sup> Kahchu ateyatetlalon toowehchu yehti, Taneghaotatich, atghe tidi kama indityeaiih yeshihto otsi.

<sup>21</sup> Kahchu Jesus yakaihtgna, yuntyeh, kahchu toowe yehti, Ehlaiti ooli nainchi tehtsut: ootinta, anehisi anetye mataganeli, tyetaisanane chu ghatanale, kooh ohtye natatootlosi ya tehchi: kahchu yuhchidiya, kahchu ninaootiah ayi sookatiya-i, kahchu sakehtiya.

<sup>22</sup> Kahchu atu oochu indityesalon ayi sa tachi, kahchu yitaityeshalon atu keneli ihe: atane ohtye ooli natlon ayeihilon.

<sup>23</sup> Kahchu Jesus klokanatgna, toowehchu yehti yaotatichne, Tewotye atatlata ayine matatintlone kwewootyelassi Nagha Tgha nataghe tsi!

<sup>24</sup> Kahchu yaotatichne yazake kaooghulli. Ahwole Jesus ateyatetla kahchu toowehchu yehti, Tsihokkaine, tahtye indatlaaoh ayi kiyasooli mehmetatintlon kwewootyelu Nagha Tgha mataghe tsi! <sup>25</sup> Ayi kyeotunni ghatai kwewotyizoo apetsiche kaookoodi, o-ochi matatintlon ehlaiti teze kwewoya Nagha Tgha nataghe tsi.

<sup>26</sup> Kahchu o-ochi ghaooghali, toowe hlaghatati ihe, Mea mechua aghatoota?

<sup>27</sup> Kahchu Jesus yakaitgna toowe yehti, Tane la atu kookechi nioontsi, Nagha Tgha la atu kooh hoontye: aha atane Nagha Tgha atghezi ooli mahechi nioontsut.

<sup>28</sup> Kahchu Peter toowe tyi ehti, Nea anetye kyecho tasityetl, kahchu naghakyehstasyetliih.

<sup>29</sup> Kahchu Jesus ateyatetla toowehchu yehti, Kwa hli anaghaisii, atuline ooli kyeghachelihine nito kwa, mekye koole, mehtghizze koole, matgna koole, ma koole, matsiyue koole, maskyeye koole, matsatle koole, suni ihe, kahchu otich oochu ihe, <sup>30</sup> Ahwole otsinitooalassi keonetyi ketyi otehche enetyi too, nito kwane, mekye chu, mehtghizze chu, matgna chu, ma chu, maskyeye chu, makyeyih chu, kahchu sookatayaghi chu; kahchu achu tike tsi ghonionizut ate kwihzon ehchaghatai. <sup>31</sup> Ahwole natlone haladi atine haistlachi awotyeyssi; kahchu haistlachi atine haladi awotyeyssi.

<sup>32</sup> Kahchu atghunni aghatii Jerusalem otsi ghatestyetlu; kahchu Jesus yaghatyehsa: kahchu kawoghuli; kahchu kiyahsellu oonighanetyetlon. Kahchu niyatila keneti onketi matgna kahchu yatatati yesoo yuhniiyi ihe, <sup>33</sup> Toowe ehti ihe, Nea Jerusalem otsitayetl; kahchu tane Chue niyatoohyeyelassi taneghaotatich tyiyine, adesksne chu; inkai mazetse ooli kiyehlon, kahchu kiyaniyutyellessi achunene; <sup>34</sup> Kahchu kiyachaochesi, kahchu kikatootoozassi, kahchu kikyehoozekassi, kahchu kizoohelassi: taiti dzinee awoochu ate tsitike nawootyeyssi.

<sup>35</sup> Kahchu James chu John chu, Zebidee chue, yachidesha toowe yehtie, Taneghaotatyechi, kooh koosti aghaawoti akootiti sikooh.

<sup>36</sup> Kahchu toowe yehti, Yea sachi nioonunassit naghachanasti?

<sup>37</sup> Kahchu toowe kiyehchi, Aghaniah sookah ookyetih, ehlaiti mehoonati, hligi oosklaghazitye, nachatin-chai kehe.

<sup>38</sup> Ahwole Jesus toowe yehtii, Atu atawahti ooli ootahkyeti: atu mihe tuwahto la ayi tsa mehtughastooi? kahchu tunaghakechuhkliti ayi mehtanekhaisikliti ayi ihe mehsakaichihkliti?

<sup>39</sup> Toowe kiyehchi, Atu ahandatla. Kahchu Jesus toowe yehti, Kwa hli tuwahtoissi tsaeh ieti otsi tughastode; kahchu ayi mehtukhaisihkliti mihe tusakechihkliti ihe ayi ihe mihe naghakyechuhklitassi: <sup>40</sup> Ahwole wostyi chisinchu chu tayaghetichu oosklaghazintye atu si senatunne eli kaooali; ahwole kooyachulelassi ayine kooya so-ochesunne,

<sup>41</sup> Kahchu kenetyine aghatsitsuk chi ohtye atu yatsi kyehanelilon James chu John chu. <sup>42</sup> Ahwole Jesus tyechi yehtilon toowehchu yehti, Atawahti ayi kechanehitya kehe kikaootsutti ayi achune kooyakeolech; kahchu kootaityie kooyaghatata. <sup>43</sup> Ahwole naghai atu kooh akehe naghahityeyssi: Ahwole ayi koonoochu sachatoohcha kooti, naghani ayi nagha keo-otichassi: <sup>44</sup> Kahchu ooline assine naghani ihe haladi mi-indichatoesi o-ochi chatoohchai gha, tane glia keo-otichassi achaneyeh gha. <sup>45</sup> Ayi aghoo teze Chue atu makeochatichi ihe yuhchideya, ahwole tane gha keo-otichassi, kahchu khaoallu yeghatassi natlone yatata ootane.

<sup>46</sup> Kahchu nighaninyetl Jericho: kahchu Jericho otsi hatayaooch yaotatichne chu tane natlone chu, mataituehi Bartimaesus, chue Timaeus, tinkuzze satah tyechihii ihe. <sup>47</sup> Atitsuk chi ayi Jesus Nazareth chihatyetzutti, ohtye tyi otyesta, kahchu toowe yehti, Jesus nai chue David, soonchoonaya.

<sup>48</sup> Kahchu natlone yatata atu awotihii gha: hoontye ooli otaihchi ohtye otyesta, David chue, soonchoonaya.

<sup>49</sup> Kahchu Jesus hlininiya, kahchu kwehakehe ehti. Kahchu tyechi kiyehchi ayi teze mataituehi, toowe kiyehchi ihe, Kyeneneli, niyya; tyechi nehti. <sup>50</sup> Kahchu ooyadehchus yiatehtakadi, niyya, kahchu Jesus tsidyehsa.

<sup>51</sup> Kahchu Jesus otyesta toowehchu yehti, Ye sachinionunisita anusleha? Ayi mataituehi teze toowe ehti, Aghaghintai, setai saanaoontlihi.

<sup>52</sup> Jesus toowe yehti, Taihchi ootinta; na-ihe naghinta. Iitetyeh matai naootli, kahchu Jesus kyehtesha atghunni.

<sup>1</sup> Kahchu hwa aghatyi Jerusalem, Bethphage chu Bethany chu chisinchi, khis kuchi Olives aghatyi, yitaityeha onketyene yaotatichne. <sup>2</sup> Kahchu toowe ehti, Taihchi otsitahtyel yito kwa oontlo chi naghanataihchi: kahchu kweghaachatyeh soosooklya aghahtyelassi taghaklu, atu makai achaty; tahwahut, kahchu yuhchinaghahtyel: <sup>3</sup> Kahchu ooline toowe naghai tyete, Yehoo gha kooghahya oontye? kooh taghahti, Metihi tiye hehti; kwete cho otsi nayaduesi.

<sup>4</sup> Kahchu yitaighatestyel, kahchu soosooklya kiyintyi taghaklu tusklahooka atghunni yaghintyidi; kahchu tahkiyainghut. <sup>5</sup> Kahchu tahkiaie iiti naihyani toowe kiyehiti, Yehoo gha kooh hahtya oontye taghauhti soosooklya? <sup>6</sup> Kooh kiyehiti koohotyey ayi Jesus akooyehiti: kwa kootayinchut. <sup>7</sup> Kahchu soosooklya Jesus gha naghunihtyi, kahchu kiyeatetahkatti keghihla; kahchu yakaisata. <sup>8</sup> Kahchu natlone kiyeatetahkatti atghunni tsiyaghestla: kahchu achune naghaghilul tatsi tachin tsi, kahchu ghatyeh atghunni ghatunihla. <sup>9</sup> Kahchu ayine haladi atine, kahchu ayine tanekeghataillhne, oghatyesta, toowe ghatieh, Hosanna; Moohchuoootaya ayi yuhchideshai yindizi ihe Naghaghatai:

<sup>10</sup> Koonoochu moohchuoootaya manataghe nagha tgha David, yuhchideshai tindizi ihe Naghaghatai: Hosanna ayi zon o-ochi yataihchi miindiotehah.

<sup>11</sup> Kahchu Jesus kwiya Jerusalem, o-ochi tyetachatlili kwa chu: kahchu kootoo anetye ooli ookaghanehtghachi, kahcu kahkachi aoocha koohnioonizutooh, hadesha Bethany tsi keneti onketi matgha chu.

<sup>12</sup> Kahchu naodike tsi, ootastyel Bethany tsi tapat: <sup>13</sup> Kahchu chiche chok chine toontyetsi ya-i maton ooli, yuhchidesha intyizon ooli ion ate: yuhniya tsi aton zon yilah; atu ka chiche nichatlesto kho nioonizut ihe. <sup>14</sup> Kahchu Jesus otyesta toowehchu yehti, Atulire otsitsassi chiche nai ihe too otsi nioonizutti otsi. Kahchu yaotatichne oohatitsalon.

<sup>15</sup> Kahchu nighanintyeyel Jerusalem otsi: kahchu Jesus kwiya tyetachatlili kwa otyiyi, kahchu hayadesla ayine atagholane kahchu ataghatotane tyetachatlili kwa otyiyi wota, kahchu yechonayadehklit yakeehai ayine sooniya klaghayihne, kahchu yestahi chu ayine oyetli tagholane; <sup>16</sup> Kahchu atu hatyeh yasehlay iyu maaontye ooline yatooai oolita tatawochulih tyetachatlili kwa otyiyi oota. <sup>17</sup> Kahchu yaotatich, toowe yehti ihe, Koo atu kooh akehe nichatinklessi la, Sa kwa anetye tane tyetachatlili kwa wowohiyh? Ahwole kooh awahtla anosine take.

<sup>18</sup> Kooh adesklesne chu taneghaotatichne tyiyyine metihi chu oohatitsuk, kahchu oonkhaghanatgha tyeha kehe chahteakiyule gha: yeghanejit ihe, aitye tane khaooghulli ihe yachihooete.

<sup>19</sup> Kootoo kahkachi ooli tsi, hadesha nitokwa wotyih tsi.

<sup>20</sup> Kahchu hatlindo aoocha, taihchi ghataihlu chiche chine maghaye otsi ya-ikoonoo kiya-ih. <sup>21</sup> Ayi Peter kyejetitihyu toowe yehti, Taneghaotatyehi, makintgha ayi chiche chine atu tyeswe adintii kwa sakoon.

<sup>22</sup> Kahchu Jesus otyesta, toowehchu yehti, Nagha Tgha aha oodinti. <sup>23</sup> Atai kwa hli anaghaisi, ooline ti khis atyetane, Achu ninintsit kahchu otsinachatoohyeli tu chok tsi; kahchu atu tawahkootye ate tadzye ihe, ahwole ihe kootilon ate ayi ooli ehiti sakyehchi niwotsitti; awohiisi atghazi ooli tyekootesi. <sup>24</sup> Ayi ihe anaghaisii, Ooli si nooonunisitassi, aghaswehlye ate, ihe kootahti nitaghahali, koohzon naghahaisi. <sup>25</sup> Kahchu natahya otye aghaswehli intyizon ooline oolakehe chahte meititaai ate: Nagha Tgha naghai chu ya tehchi ati naghaoochatooohulassi nagha metselihi. <sup>26</sup> Ahwole atu ootalai ate, atu naghani chu Nagha Tgha yatehchi ati naghaoochatooohulassi nagha metselihi.

<sup>27</sup> Kahchu yuhchighatestyel Jerusalem tsi: intyizon ghayahlhu tyetachatlili kwa otyiyi oota, yinkhadesha taneghaotatich metihi tyiyi, kahchu adesklesne, kahchu haladi meindi chatehaneh, <sup>28</sup> Kahchu toowe yehti, Ye makaoonatsut ayiwoh keonaahch aontye? kahchu mea nayiwa tidi kakaoodzutti keonaahchi tidi ooli?

<sup>29</sup> Kahchu Jesus ateyatela toowehchu yehti, Suni chu ehlawotatyete taontya naghosyeassi, kahchu satatahti ate, naghatahuysi ye kakaoodzutti kooh akehe kewohahch aontye tidi ooli. <sup>30</sup> Matukeghihliti John yataihchi otsi la tatesut oontye, tane tsi koole? kootatinti.

<sup>31</sup> Kahchu inchioghatatyech, toowe ghatai ihe, Koohtitye ate Yataihchi otsi; kooh tootyeyi, Yehoo gha tawah tahtyaontye? <sup>32</sup> Ahwole koohtitye ate, Tane tsi; tane eghanejit: ayiwo aitye tane koohkiyehti John, yaghi kwa hli tanetaghatahchne ali.

<sup>33</sup> Kahchu ooghatyesta kahehu Jesus tsi toowe kiyehiti, Atu koowoti. Kahchu Jesus otatihch toowehchu yehti Suni chu atu naghatahuysesi naghakaoodzutti ayi ihe keonaahch tidi ooli.

*Tghachyestla keneti onketi matgha.*

<sup>1</sup> KWA tyi yaotatich yiheaghasule. Ehlaiti yaghi tane oonehye chiche chok chine ochunehyehiti, kahchu anetye ootaisuggi oola lon, kahchu hayaghinkyetlon ayeti chiche tu taaookhlitigha, kahchu nayaghintsih khaghatai kwa, kahchu yanyiooh oonehyene tane, kwa tontyetsidesha. <sup>2</sup> Kootoo koornioonizutooh otsiyateha ayi ehlaiti yakeotiche yinkhadoya natlone tezoo, yayual assilon chiche natlone tezoo chiche chine ochunehyehi tsi. <sup>3</sup> Kahchu nighatintyi, kahchu kikutatooz, kahchu tahzoh achukihteha. <sup>4</sup> Kahchu yachideha achune woaine; kahchu ine tsihadehyitl, kahchu tsinakoozehai yeti ihe, kahchu achukideha maooya ooli. <sup>5</sup> Kahchu achune otsideha; kahchu ayi hazehai; kahchu achune natlone, tahkine chu kikutatooz, tahkine chu kizehai.

<sup>6</sup> Kwaka ehlaiti machue ayehi, o-ochi mandayadetlahoo, ayi chu haistlachi yachiyadeha toowe ehti ihe, Kiya indi nootghahassi sechue.

<sup>7</sup> Ahwole ayine oonehyene tane toowe hlaghatati, Tunela katsila kakaoozutassi; kwa hoote zaogheli, kwa naghani kakao-odzutassi. <sup>8</sup> Kahchu nighatintyi, kahchu kizehai kahchu khakitihtyi chiche chine ochenihyehti iite otsi.

<sup>9</sup> Yea aati ayi kakaoodzutti chiche chine ihe ochanahyehti? yuhchinatlone chahtawoleissi oonehycne tezoo, kahchu achune chiche chine ihe ochanahyehti ghaooalassi. <sup>10</sup> Koo kahchu atu makeh ootaghatetchila tidi aduskles; ayi tsey kiyenali? ayine nito kwa aootline ayi hatse oohniya sookewostidi: <sup>11</sup> Tila Aghakaoodzutti makyeoahchi, kahchu ohtye kawochulih naghataitgha?

<sup>12</sup> Kooh chu oonkhaghanatgha kiyuhchutigha, ahwole tane eghaujeitlon: aghatane atawo-otih ihe ako-oyehti ihe ayi meaghasoochali: kahchu kiyechutestyetllon, taichi ghanintyetyl. yu.

<sup>13</sup> Kahchu kichiteha tahkine Phariseene chu Herodiana chu, kiyukluhchi gha yazake. <sup>14</sup> Kootoo nighanintyetyl tsi, toowe kiyehiti, Taneghaotatich atawotih i hlodinti, atu chu ooline inaoohoontyiaasi: atu chu kyinditaniha tane oontya kehe, ahwole taneghaodintich Nagha Tgha oontya kehe matlontideh: Tsiwohzon la machulelu mehtikechilehe sooniya Caesar, intooe ate chu? <sup>15</sup> Kaoyeli la, atu kaoyeli koole? ahwole atai atawonatioo meaneaha, toowe yehti, Yehoo gha sakaootahun aootnye? sananahah sooniya satsoone, wosyekhai. <sup>16</sup> Kwa nakiyiooh. Kahchu toowe yehti, Mea achintye sikoooh kahchu takehnichatinklesi mindizi? Kahchu toowe kiyehiti, Caesar tsi.

<sup>17</sup> Kahchu Jesus ateyatetla toowehchu yehti, Caesar ghanahah ayi ooli ayahi Caesar, Nagha Tgha chu ooli ayahi Nagha Tgha. Kwa Kiyaooli.

<sup>18</sup> Kootoo kooyinkhachatestyetyl ine Sadducee yaghine nachaghintai oontooe ghatine; kahchu taoontya kiyehiti toowe ghati ihe, <sup>19</sup> Taneghaotatyehchi, Moses aghaadusklesiih, Ooline mekye tehtsut, ate, matsiyue chu yechodyesha ate, kahchu tsito atu yechodyesha ate, mekye matsiyue niyatahtyelo, yaskyeye yayanuhi tsito mekye. <sup>20</sup> Oowhilihi taiuchine hlyehlihi ghili: kwa ayi hatse tsege nitintye, tehtsutoooh atu tsito yechodyesha. <sup>21</sup> Kooh chu haladi tachi tsege ninayatihtyi kahchu tehtsut atai chu atu tsito yechodyesha: haladi tachi ayi chu kwaka hlyeih. <sup>22</sup> Kahchu taiuchi aline aghahiii, kahchu atu tsito yechoghatatye: hli haistlahchi ayi tsege tehtsut. <sup>23</sup> Hooghaghintyetyl tsi, tsitike ghaikye tsi ooli ate mea soo ate yakahoota tyiooh? taiuchi ghili aghanetie kookahsalon.

<sup>24</sup> Kahchu Jesus ateyatetla toowehchu yehti, Atu kha yaghayala, atu itawahtih ihe, aduskles tyiwi, Tikeaootli koole manatsutti? <sup>25</sup> Kootoo tsitike ghaikye ate koozetse otsi atu inkah tueakoochila koole atu chu hlakoochilalon; ahwole keotihchi tyiwi yeghinhtyelon yataihchi ati. <sup>26</sup> Ahwole tehtsut ine, tsitike nawokyesi: atu makyeh ootaghatatye ooli la Moses adusklese, tsege yehti kat tsaghehtonti Tikeaootli yechiintechii, Suni Tikeaootli asli aootnye Abraham tgha asli, kahchu Tikeaootli asli aootnye Isaac tgha asli, kahchu Tikeaootli asli aootnye Jacob tgha asli?

<sup>27</sup> Oochu natoonee atu yeta odeha ahwole yaghitane gha: ayi ihe o-ochi kayaghatsut.

<sup>28</sup> Kahchu ehlaiti adesklesi yahchidyeha, kahchu atitsuklon ihe inchiotatyech otye, kahchu atawotihoo tsiwohzon ateyatetlalon, taoontya yehtilon, Tyeya ootaihchi hatse tsiwotsatyehli?

<sup>29</sup> Kahchu Jesus toowe hakehe ateyatetla, Hatseto tsiwotsatyehli anetye asikoooh titih Nea oozintso, Israel; Naghaghatai Nagha Tgha atane zon Naghaghatai aootnye: <sup>30</sup> Kahchu maootnye Nagha Tgha Naghaghatai atghe nedzye ihe, kahchu atghe matsinde ihe, kahchu atghe nindi ihe, kahchu atghe nanatsutti ihe: ayila hatsetoh tsiwotsatyehli. <sup>31</sup> Oo ayi onkye kwa hlye oontye, toowe hakehe, Mataghoonti nehtanoone natsun matintya kehe. Oontooe tsiwotsatyehli ootaihchi miindichatoochai tizon.

<sup>32</sup> Kahchu adesklesne toowe yehti. Kwa hli Taneghaotatyehchi, kooh tintiih hlonthati: ehlaiti zon Tikeaootli ali; atu achune atune zon: <sup>33</sup> Kahchu machutye atghe khadzye ihe, kahchu atghe atsatitsuk ihe, kahchu atghe khatsinde ihe, kahchu atghe mehnatsutsut ihe, kahchu yuatutih yetanoone atwati yakehe, ootaihchi kyeindi ooteha ayi aghoo atghe tsichatihuli chu inghade keochaachi chu.

<sup>34</sup> Jesus wa-inchi ooyu tahwohzon, toowe yehti, Atu tontye tsi anatih Nagha Tgha nataghe otsi. Atu ayi keh taoontya atu nichatitah ooli.

<sup>35</sup> Kahchu Jesus otyesta toowehchu yehti taneghaotatyechoo sahtgha tyetachatlihi kwa tyiwi oota, Yehoo gha adesklesne kooghatya oontye Christ David machue? <sup>36</sup> Ayi ihe David atane koochati kooehtii Atsinde Oochu ihe, Kakaoodzutti kooyehtii Sakaoodzutti, Nuni sinta nootichintye atehzonih aiseakooyasle ate tsintanane.

<sup>37</sup> David atai hoochati nai Kakaoonadzutti yehti; tyechi otsi tgha machue yilontye? Tyetaisanaine kyehaneliloon oochu kititsalon.

<sup>38</sup> Kahchu toowe yehti machiootee, Matsagha ghahta adesklesne, tane ayine kwaghintyene koo kestue yaintyesne, kahchu kwaghintye kyila chihchiche inchiatahachulihti. <sup>39</sup> Kahchu asta otyihti tyetachatlihi kwa, kahchu o-ochi nataghisatoooh asta kwehluchayihiti: <sup>40</sup> Chahte akiyila ya kwa waatyih, kahchu tane ghanaaohoo oontyes oohatatyech: ayi ti otsinighatooalassi ohtye otaihchi ketselihoo keochaahchi.

<sup>41</sup> Jesus chu sata sooniya ninchatilesti oghade, kahchu tane ya-ih iotsi sooniya otsiyateliyihoo kweotsi nichatilihi sooniya; natlone chu tatintlone natlon kwechihatehul. <sup>42</sup> Yuhchidesha ehlaiti tsege tiesunni waatyih ali, kahchu kwehchiyatehyitl o-ochi yaintsutli onketya sooniya satsoone tooya ehlaiti sooniya satsoone enetya eyontye.

<sup>43</sup> Kahchu yaotatichne tyechi yehti, toowehchu yehti, Kwa hli anaghaisii, tai tiesunnioo waatyih naghataihchi ohtye kwechiatestla, anahyte naghai oia kwechitala sooniya nichatilesti: <sup>44</sup> Ayi ihe aghanetye kwehchighadestla kootatintlon otsi; ahwole atai yindatli otsi kwehchiyatehyitl anetye ayehesi, anetye ooli yighataisi.

*Tghachyestla keneti taiti matgha.*

<sup>1</sup> HOONTATAHOOH tyetachatlihi kwa otyiyi tih otsi, ehlaithi yaotatichi toowe yehti, Taneghaotintichi, nea ti tsye naih atoyte, kahchu nito kwa atoyte chode ooli!

<sup>2</sup> Kahchu Jesus otyesta, toowehchu yehti, Onaila tidih kwa tyiyi tonli? atu ehlaithi woo meachu chatuyesi tsye tasaoo nachatihilulasi.

<sup>3</sup> Kahchu sata klataihchi khis ke Olives ooghade tyetachatlihi kwa tyiyi, Peter chu James chu John chu Andrew chu taontya kiyehilton sahti aghati zahtgha, <sup>4</sup> Aghatatinti, taisatsi ooli khoonioozit aontye? kahchu ate taootyaontye kootoo anetye ooli ooghade nininkye ate?

<sup>5</sup> Kwa Jesus atoyatetla toowehchu tyi ehti, Tyeke atuline naghanooah: <sup>6</sup> Natlone chu yuhchighatutyellassi sindizi kehchi, toowe ghatuti ihe, Suni Christ; natlone chu ghanooahassi. <sup>7</sup> Kahchu atahtsuk ate natsapahi kahchu natsapahi eoyu ate, atu nagha khazatawahtyel: ayi etye ooli kehchi nio-otsitassi; ahwole halohchi atuka koohnao-ozitassi. <sup>8</sup> Ayi ihe ehlaithi tane ghataghitodeh kiyinkha ghatapah achu tanane, kahchu tane tike inchi niilhach: kahchu eonetye tsi tike ootooloone tsi, kahchu wo-olyesi to khasihai tsookachatayahi chu: ayila tatyeki ochati kyeatsunatsitti.

<sup>9</sup> Awole achukhahahta naghai: naghaghatoochitassi tsiwotsatylchi; kahchu tyetachatlihi kwa oota naghaghatutsyeesassi: kahchu nanaghachulelassi haladi tsiwotyihhi metihi o-ochi metihi tyiyi chu suni ihe, ayi ihe kooyeh ooghahtichoo. <sup>10</sup> Kahchu otich oochu ihe hatse kooyehoochutchassi tike okehe atghe tanane tsi. <sup>11</sup> Ahwole otsinaghachataistle ate, kahchu naghachataitsut ate, atu ahunataihchi kindiwahtsit atawahtyakehe sootasun koole ataghahkyakehe: ahwole ooli si naghachuallassi ayi sakehchiaghali ayi otahtich: atu naghani otahtyech ahwole Atsinde Oochu.

<sup>12</sup> Mekye taza ihe yatutsitassi azeche tsi mekye, kahchu atgha khachue; kahchu tsihone koonachine niwoytyellassi, kahchu nakiyuteissi tsazuheli gha. <sup>13</sup> Kahchu naghai tane naghachatuh Ikeassi sindizi ihe: ahwole ayi ayuhhi haistlahchi otsi, ayi nachaohtaisi.

<sup>14</sup> Ahwole wa-itah ayi metselihi chahtehnutsititi tsi kamaotatyehchi Daniel atanataihchi atawatihi nachaghintsitti ayiti o-otooassi lon, (ayi aghasule inkai ootootsukki,) inkai ayine Judaea aline khis tsi ghatooowhezi: <sup>15</sup> Kahchu ayi tahtaghtasi nito kwa atu noocha nito kwa otsi, koole atu ayite kwewoya oolitalh nitoaluh makwa otsi: <sup>16</sup> Kahchu yaghi achunihyehti oota ati atu tahnatoocha yehatyetakhati niyataoallu. <sup>17</sup> Ahwole atu oochu awohtyeissi ayine koozita tsito tehtsine, yaghine chu tsito yehtochne ayi dzineel. <sup>18</sup> Kahchu aghasuahlih nahuthataklhihi atu yaske ooli. <sup>19</sup> Ayi ihe dzinee oolezi tsookachatayahi, ayi etye natoohi zon ooliih toh otsi hatseto tike ooli toh otsi Nagha Tgha ayilahi, kwa hlilon too otsi, atu koole o-otoowesi.

<sup>20</sup> Kahchu atu Tikeaootli dzinee nakhasse oolai ate, atuline ootaizilon: ahwole matghachihchine tsi, yatgha-ihchilon, natya oolalon ayi dzenee. <sup>21</sup> Kahchu ooline toowe naghahye ate, Nea, taila Christ; koole nea, yaghitih atih; atu a Kootaghahti: <sup>22</sup> Ayi ihe atu tyeswe Christ kahchu atu tyeswe ghaghatane niwoytyellassi, kooch chu kiyuesi ehthole kahchu kawochuli, aghanoohi gha, awowootli iyu aontye ate, matghachihchine. <sup>23</sup> Hoontyeoo khama-inditahsit naghani: nea, naghataasih atghazi ooli ootagha.

<sup>24</sup> Ahwole ayi dzinee, kaotztut ate ayila tsookaehtayahi, sa ihewohelassi hatleke iza chu atu kaoolassi maootaghe, <sup>25</sup> Kahchu yataihchi sun ooli nakyellassi, menatsutsitti yataihchi ta ooli yatooloonassi.

<sup>26</sup> Kwa ayiti kiyueissi teze Chue yuhchidesha khood tgha o-ochi mehnatsutsitti chu tsatinchahi chu. <sup>27</sup> Kwa iiti otsiyateha yakeotihchi tyiyi, kwa chu nachaghanooellassi yatghachihchine tyeotatyechi otsi ninchi, o-ochi tike wolonhchi otsi kwa hlilon o-ochi yataihchi lonhchi.

<sup>28</sup> Kwa hooete ookaatawahti mihe achati chiche chine tsi; kootoo kwaka matatse natsulettonh, kahchu ato nehyehta, atawahtihoo hwaza atoleh ooli: <sup>29</sup> Kooch otye naghani chu, wa-ichi tidi ooli koochininkye ate, atawahti kwa hwa ooli, tusklah koole. <sup>30</sup> Kwa hli anaghaisii, taine yahlaniyune tanane atu koolonh oolesi, aise atghe ooli tidi achahi. <sup>31</sup> Yataihchi chu tike chu o-otooesi; ahwole sezake atu woloh oolesi.

<sup>32</sup> Ahwole ayi dzinee kahchu ayi sakehchiahali atuline atawoti, ama, atu keotihchne tyiyi yatehchi atine aghoone khachue aghoo, khatgha zon. <sup>33</sup> Tyeke naghai, ootanahi kahchu aghasuahli: ayi ihe atu atawahti kooch nawizut ate. <sup>34</sup> Tezoo Chue ali ihe tezoo yetye tonyetsi tatyeh ihe, tanito kwa kyechotyehsa, kahchu yatsiwosta yakeotichne, kahchu anetye tezoo keotihch akehe, kahchu ayehtii tusklah khaghatatai ootanoo gha.

<sup>35</sup> Ayi ihe ootanahi: atu atawahtihhi aontye kootoo nito kwa khaghatatai naochati, kahkachi koole, hatleke tatichi koole, tihchok otyesta zahtgha koole, hatlindo koole: <sup>36</sup> Intyizon nooja ate, atu nahoohtyeloo satyechu. <sup>37</sup> Kahchu ayi anaghaisii anetye kooyesi, Oonahi.

*Tghachyestla keneti tinti matgha.*

<sup>1</sup> Onkyeti dzinee oolesta ooli kwehlachayihhi passover achati, kahchu otles atu chehyutli: kahchu taneghaotatyechi tyiyine adusklesne chu onkhaghanatgha oolakehe naonai nighatuhtyeli gha, kahchu kizuhelyu. <sup>2</sup> Ahwole toowe ghati, Atu kwehlachayihhi dzinee eli, atu tane inchiniotyelu.

<sup>3</sup> Kahchu ali Bethany tih ma kwa oota Simon chusache ayahi, intyizon sata atsitsoo yuhchidesha tsege ayahi khuluk tsye khaisis spikenard otsi o-ochi matahi natlon; kwa yataghataghiiooh tsye khaisis yitii, kahchu yatsi kachi nayadinklit.



<sup>4</sup> Kahchu tahkine atu keghaneli kooyindi ihe, kahchu toowe ghati, Yehoo gha tidi ghatsatyestka tidi khluk? <sup>5</sup> Ayi ihe ataghachulekhai ootaihchi tghakoooh keoneti ketyi sooniya satsoone ihe, kahchu tyetaisanaini ghachulelakhai Kwa atu tyeswa akiyehti.

<sup>6</sup> Kahchu Jesus toowe yehti, Atu machuwahti; yehoo gha machisootahtyihch? ootaihchi oochu saatyiin.

<sup>7</sup> Ayi ihe inkaa eahline tyita-isanaini, kahchueoonetye akootahti o-ochi akooyaghaklehesi: ahwole suni atu inkaa naghaasli. <sup>8</sup> Koo hatiih machitelonh otsi: ootagha yuhchidesha yuhtlukke gha oochu misachutyel gha. <sup>9</sup> Kwa hli anaghaisii, ooli tsi otsi tidi otich oochu moohwochatih ate tike okehe, tidi chu atii moohwochutyehesi menachutihi gha.

<sup>10</sup> Kwa Judas Iscariot, ehlaiti keneti onketi matgaha ihe, yinkhadesha taneghaotatyech tyiye metihe, ooli oochadehyitli kyehodewoosh, <sup>11</sup> Oohaditsuk chi, ohtye kyehanelilon, kahchu ootagha tsi akiyehtilon sooniya yaooleli. Oonkhanatghalon tyehakehe sookah nio-otsitigha chahte autigha.

<sup>12</sup> Kahchu hatseto dzinee otles atu chihyutli, kwa ooghazehai passover, yaotatiche toowe yehti, Tyecha koodinti nataghasootaoozani ate oonsiti passover?

<sup>13</sup> Kwa onkye tane yaotatiche yitai tyeha, toowehchu yehti, otsitahtyel nitc kwa otyiye tsi, kwa matiti tagahazasi ehlaiti teze yaalu ehlaiti mehtukachatayehi taismanoooh tu ihe: makehtahaz. <sup>14</sup> Kahchu kwiyesitti, toowe ahti nito kwa kakaoodzutti, Wondi achune kwa ayiti o-ositsti passover mawotastihchne chu? <sup>15</sup> Kahchu wahih naghotyeyi ooncha tyinta ooli chelohchi soowachisunoooh: Naghani gha iehi soowatahsun.

<sup>16</sup> Kahchu yaotatiche yitaighatetyetel yuhchi chu ghatatyetel nito kwa otyiye tah, kahchu woghiooh akoooyehitii: kahchu yatagha sooghihsun passover.

<sup>17</sup> Kahchu kahkachi yuhchinooja keneti onketi matgaha chu. <sup>18</sup> Ghadehti zahtgaha kahchu eghinta, Jesus toowe ehti, Kwa hli anaghaisii, ehlaiti naghai chodeh sakaehane chahte asooti.

<sup>19</sup> Kwa tyi atu keghaneli, toowe chu tyi ghati ehlaityekoooh, Suni la? kahchu hligi toowe ehti, Suni la?

<sup>20</sup> Kwa ateyatetla toowehchu yehti, Ehlaiti kenetye onketi matgaha ihe, yaghi tila ihe setyi tsa ihkye. <sup>21</sup> Tane Chue otsidesha, takehnichatinkles akehe otye: ahwole atu oochu ontye yaghi teze tane Chue mihe atahachahi! otaihchi o-taizilon yaghi teze ihe atu niniya tah ooli ate.

<sup>22</sup> Kahchu aghatsitsoo zahtgaha, Jesus otles tyes nidiooh, kahchu merci ehti, kahchu tahke yataghiyits, kahchu yayiooh, toowehchu yehti, Nitahah, mehtah: tila sazi alonte.

<sup>23</sup> Kahchu nidiooh mehtusato, kwa kayioo merci, yayiooh: kwa aghanetye ayite otsi tughatolon.

<sup>24</sup> Ahwole toowe yehtii, Tila sa tulle alontye aduskles koonde ihe, oontlo chi otsi tyechiikhkli. <sup>25</sup> Kwa hli anaghaisii, atu otaihchi wostoissi machiche chiche tu chine tsi, kwa hlilon yaghi dzinee kwa kootyinuusto Nagha Tgha nataghe.

<sup>26</sup> Ehlaiti hyin eghachinooh khis Olives tsighatetyetel.

<sup>27</sup> Kahchu Jesus toowe yehti, Anahtye naghai atu oochu inditaghaasi suni ihe too hatleke: takenichatinkles akehe, Ooshalasi aspai ghaghatai haslai ite eonetye tsi natihassi aspai. <sup>28</sup> Ahwole tsitike netai ate, naghaghathuhshezi Galilee tsi.

<sup>29</sup> Ahwole Peter toowe ehti, Inka ahwole aghanetye atu keyaneli ate, hoontye koole suni intue.

<sup>30</sup> Kahchu Jesus toowe ehti, Kwa hli anesi, tidi dzinee, tidi hatleke te, atu ka onkye otyesta tyeh tihchok, tghakoooh oochit soota-ghoontyeyi.

<sup>31</sup> Ahwole otaihchi otatich hloduhsu kootieh, Ahwole nakah tanesut ate ooh, atu ihlawotatehoo oochit noodusteyisi. Kwakooye otye aghatane chu ghatiuh.

<sup>32</sup> Kwa koohnaghintyeth Gethsemame woyetih: kahchu toowe yehti yaotatiche, Nea aghasushlito sakyeh.

<sup>33</sup> Kahchu yehtetyetel Peter chu James chu John chu, kahchu o-ochi inditatuinne, kahchu matsun tah oonkhail acha; <sup>34</sup> Kahchu toowe yehti, Setsinde o-ochi atu oochu atyetatih azetse tsi: chode ahtli naghai, kahchu ootanahi.

<sup>35</sup> Oontsutle wotaihah otsidesha-ih, kahchu tike wozahtih nwatsutooh kooyekhechi tyetaooklihasi sye makehchi nio-otsilon, ayi sakehchi ahalai yao-otsitoooh. <sup>36</sup> Kahchu toowe ehti, Abba, Tyeih, atghazi ooli tahnootsut nuni; tidi mehtutsato saone naniah: hoontye ooli atu suni koosti, ahwole nuni koodinti.

<sup>37</sup> Kwa yahchidesha, nayintyi satyi, kwa toowe yehti Peter tsi, Simon sintyi la? atu ooniila ehlaiti meoochanehoo? <sup>38</sup> Oonahi kahchu aghasuhli, atu otsitawohazu inkaoochatauntih. Atsinde kwa hili ootagha, ahwole khazi chintyeh.

<sup>39</sup> Kwa yitai tyeha, kahchu oghasulih, kahchu kwaka ayi zake ihe ootatich. <sup>40</sup> Kwa oondehsa tsi, yintyi satyi kahchu, (kootai ya-inkhai ihe,) kahchu atu ataoati atyekitookli hakehe.

<sup>41</sup> Kwa tghakoooh yuhchidesha, kahchu toowe yehti, Kwa hwe satyih, kahchu niwotahah mehnatahyihi: kwakoole, meoochanehoo koochnaooizut; nea, tezooh Chue mataghachila taghila tsi metselineh. <sup>42</sup> Niahtyel, yitai tawotyeli; nea, yaghi atu oochu asehti kwa hwa atih.

<sup>43</sup> Kwa kwete, kwaka ootayehchoo, yuhchidesha Judas, ehlaiti keneti onketi matgaha ihe, kahchu yihstetyetlooh tane natlone simakanis pyese chu mekachatayitli chu, taneghaotatyehchi metihi tyiye ihe, adesklese chu hoola atityineh.

<sup>44</sup> Ooh yaghi atu oochu ayehtii yayiooiih mehyachanitsiyi, toowe ehtieh, Ootayatasihchassine wohtsiewohzyesi, ayila ayi; nintahtyeh, kahchu yitai tahtyeh tyekel. <sup>45</sup> Itetyeh nooja ate, tsiwohzon yatsi anaatahlu, toowehchu ehti, Metihi, metihi; kwa yunchighachi. <sup>46</sup> Kwa kiyinchut, kahchu nighadintyi. <sup>47</sup> Ooh hligi ayiti naghatehyane tapyese natyese ghayaghachut, kahchu nayatehul yakeotihchi taneghaotatyehchi metihi tyiye, kahchu yatsakhe tyeghihyitli.

<sup>48</sup> Kwa Jesus ateyatetla, toowehchu yehti, Ihla unoosi khataachila pyese intyesi yu mekachatayitli yu tala nisataghahtyelu? <sup>49</sup> Naghaikyastaichii dzinee eonetye tyetachatlihi kwa oota taneghaodintihchoo, atu chu nisatayitli: ahwole aduskles tyiye tikewokyeli. <sup>50</sup> Kahchu aghanetye kiyechodestyetl, kahchu taghoghadehsut.

<sup>51</sup> Kwa ehlaiti uskye yakehtehtla, atetakhatoo chatachi takulli intyedi ati; kwa uskyegoone kiyinchut:

<sup>52</sup> Kwa kyechodyesha ayi chatachi takulli, kahchu tghihklah intyedi.

<sup>53</sup> Kwa Jesus otsighatehtyei o-ochi taneghaotatihchi metihi tyiye atindi: kwa ayiti atghe yeghati taneghaotayehchi metihi tyiye hoolaatitine chu, adusklesne chu. <sup>54</sup> Kahchu Peter tontyetsi otsi yakehtehklalon, koole taneghaotayehchi metihi kwa tsi: kwa yakasatah keotichne, na-itziluh khoon tsi.

<sup>55</sup> Kahchu taneghaotatihchne metihi tyiye atghe chu tsiwatilhne oohatkyet otsi ayi ihe atu oochu akiyuti Jesus kizuheli; ahwole atu oontsutli ohwiooh. <sup>56</sup> Ayi ihe natlone ketseli hakehe athlaghatati, ahwole atu hleoontye taghasoocha ootihe.

<sup>57</sup> Ooh tahkine nghintyetl, kahchu atu tyeswe akiyehti, toowe ghatai ihe, <sup>58</sup> Tasitsukihi atyakehe, Chahtehaosoyleasi tidi tyetachalilihi kwa tyiye atsilala kila ihe, kahchu taiti dzinee aoocha ate achu nao-osiasi atu kila ihe. <sup>59</sup> Ahwole aghatane chu koochohawotihhi atu hleoontye.

<sup>60</sup> Kwa o-ochi taneghaotayehchi metihi tyiye ookaze nazut, Jesus tsi taontya yehti toowe ehti ihe, Atu atyetunatla la? ye ihea ayi chahte anaghatya oontye? <sup>61</sup> Ahwole atu wotih, atula kehe chu atih. Kahchu o-ochi taneghaotayehchi metihi tyiye taontya yehti, kahchu toowe yehti, Nuni la ayi Christ, ma, Chue Mochuootaya?

<sup>62</sup> Kwa Jesus toowe ehti, Suni ayi: kahchu wahyese tezoo Chue satah nohtichintye mehnatsutsutti, kahchu yahchityesha khoos yataihchi.

<sup>63</sup> Kahchu taneghaotayehchi metihi tyiye tanatunne yaghinchil, kahchu toowe ehti, Ye ootaihchi a soochawochatili khasootihhi aontye? <sup>64</sup> Ootahtsukihi mehe atachochililiti: naghani ta kootahtya? Kwa aghanetye kooye hlaghatati tsazuheli gha. <sup>65</sup> Kwa tahkine tyekookeghizek, kahchu yani aghataghighat, kahchu nakiteghul, kahchu toowe kiyehiti ihe, atanataihchi woka atawonati: Kwa keotichne nakiteghul taghila tyiye ihe.

<sup>66</sup> Kwa Peter yiyue nito kwa otyiye ti ati, yuniya ehlaiti taneghaotayehchi metihi tyiye yawoai tsege: <sup>67</sup> Kwa ya-i tsi Peter naitziluh, yakaitghah, toowehchu ehti, Kahchu nuni chu mehtintyetlihi Jesus Nazareth otsi tatyezutti.

<sup>68</sup> Ahwole atu a kooti, toowe ehti ihe, Atu atawosti, kahchu atu atasuk atintya kehe. Kwa hadesha tyinta weswatih otsi; kwa tihchok tayidze otyesta.

<sup>69</sup> Kwa keotichne tsege kahchu ya-ih, kahchu toowe tyiyehti ayine ieti nehyane, Taila ehlaiti ayine tsi. <sup>70</sup> Kwa kahchu atu koo ooli ehtilon. Kahchu kluhtai ayine ayite nazati, toowehchu ghatai Peter, Nuni nooklya ehlaiti aghatane tsi, ayi ihe Galilaeen nali, kahchu koooh nakasse atih.

<sup>71</sup> Ahwole ketseliooh wotyihhi zon ohtye ootayehch, toowe akehe, Atu atesti tai teze mamawotahtyehchi.

<sup>72</sup> Kwa onkye tihchok tayidze otyesta. Kwa Peter kyechetehiti yaghi sa Jesus ayehtihhi, Atu ka ootihoo tihchok tayidze onkye tghakoooh oochit sootahootyezi. Kwa hlilon ayiti indi ootinta, nachaihchahli.

## 15

### *Tghachyestla keneti hlahcheti matgha.*

<sup>1</sup> Kwa kwete hatlindo aoochla taneghaotayehchi metihi tyiye aglianctye ehlakehe tsiwohzon tsiwowatilh hoolya atitine chu adeskilesne chu hlito aonetyo gha tsiwoghatsihi ihe ayi chu, kwa Jesus tahkiyagheskluli, kahchu achukdehtyei, kwa kikalmihityj, Pilate.

<sup>2</sup> Kahchu Pilato taontya yehti, Nunila o-ochi koometihhi tyiye nalila Jewne gha? Kahchu ateyatetla toowohcliu yehti, Koooh tintya oontye.

<sup>3</sup> Kahchu taneghaotayehchi metihi tyiye chahte akiyehti ooU nation ihe: ahwole atulakehe atyeta-i. <sup>4</sup> Kwa Pilate kahchu taontya yehti, toowe ehtie, Atu lakehe atyetanatla la? nea taitya ooli ihe chahte anaghahti.

<sup>5</sup> Ahwole Jesus zon atu la kehe aye ih kwaka; kwa Pilate kawoolih,

<sup>6</sup> Ooh ayi kwelachayihhi ehlaiti yezookeh ninkho kvyecheyesne, ooli assine nioonunisit assine. <sup>7</sup> Ayiti hligi alih Barabbas ooyeih, ihkahtah chaghskulu ayi yekaticihhi kwa akiyila indiootaunne, kootoo tane zehai ihe indiootaunne ayiti. <sup>8</sup> Kwa natlone ohtye oghatya tyi yatsi niooghanunisit koooh hakiyulihhi gha kooli zon hakooyilai ihe.

<sup>9</sup> Ahwole Pilate ateyatetla, toowc ehti ihe, Koooh kootahti la naghachitulisitisi Jewne o-ochi koometihhi tyiye? <sup>10</sup> Atawahtihhi ihe taneghaotayehchi metihi tyiye yatagliintsutti ihe mihe incho-otsa-i. <sup>11</sup> Ahwole taneghaotayehchi metihi tyiye kichinagbayh tanene, otaihahi koochitootsittih Barabbas.

<sup>12</sup> Koooh kahehu Pilate ateyatetla toowehchu yehti, Takootahtya oslihasi koooh yachi o-ochi koometihhi tyiye Jewnu woyi?

<sup>13</sup> Kahchu toowe hakehe oghatesta, Klaniaitih ninihtyeh.

<sup>14</sup> Kahchu Pilate toowe ehti, Ye tahtye ketselihoo atyuntye? Kahchu ootailichi o-ochi oghatesta, Klaniaitih ninihtyeh.

<sup>15</sup> Kwa Pilate tane gha kasootati chatupisha gha, yakahninooh Barabbas assi, kahchu Jesus taghinchut, yakhataghitoo, klaniai nichuhtyelu,

<sup>16</sup> Kwa simakanisne otsighatelityi tsiwatyeihli kwa, Praetorium wotsatiti; kwa tyechi kiyehi ihlakehe atghe simakanisne. <sup>17</sup> Kwa natunne taghaghintyi aghapai tatulli ihe, kahchu kiyesku o-ochi metihi tyi yi chahte hoos chok chine ihe, kwa ita tsi gha ghiooh, <sup>18</sup> Kahchu tyi yila ooghatthoon toowe, Yea mehsuchanetyi, o-ochi kookaonazut Jewne. <sup>19</sup> Kahchu nakidehul yetisi chokhaiye chok ihe, kahchu kikighizek, kwa yatsitaghatsunne ootooghanehziil yatsi nachusghataklil <sup>20</sup> Kahchu kiyachatyetl atghe tatulli nighadinchus, kwa yanatunne taghaghintyeli, kahchu ghooghatetyi klaniai tih.

<sup>21</sup> Kwa kitahnaghutsut ehlaiti Simon Cyrenian ali, ayi kwo noojai, tane natihiti otsi Jiadesha, kootgha Alexander chu Rufus chu tahchiyatilyu klaniai. <sup>22</sup> Kwa nakiyintyi Golgotha tsi, ayi tsati, Atsitsunne ooli te. <sup>23</sup> Kwa kiyayiooh tyewootoo chiche chok tu mathuchunihklito myrrh: ahwole atu nyadiooh. <sup>24</sup> Kwa klaniai nikiyintyi tsi yanatunne ataghaaistla kikaootehunni ihe, ye anetye teze nitiolola.

<sup>25</sup> Kahchu oolith tghakoooh mehoachanehoo awatazoo dzinee ooli klaniai nikiyinti tsi. <sup>26</sup> Kwa achatyesklesi ayiti otsi chahteacheitei takehnichanikuchi ookeh. O-OCHI KOO METIHI TYIYI JEWNE.

<sup>27</sup> Kahchu onkyetene chu klaniai nighanihtye unoosine; ehlaiti noohtechintye, ooh hligi chu oosklag-hazihtye. <sup>28</sup> Achudesklessi tyi yi tikeniyih, kooch woti, Kahclu metseline kah kachanehtye. <sup>29</sup> Ooh ayine kweghatihne ayiti oontlochi kiye sootatyihch, tagliatsi ghaghado, toowechu ghati ihe, Gha, nuni chahta wonatla tyctachtalihi kwa tyi yi, kahchu aoonatla taiti dzinee, <sup>30</sup> Aghatinta, kahchu yulichinootinta klauiati tsi. <sup>31</sup> Aghatane chu o-ochi taneghaotatyech metihi tyi yine ontlonchi akiyehti ihe toowe hlaghatati ihe adeslesne chu, Nayaghehta achune chu; atai koochati atu aghatatah. <sup>32</sup> Oonka Christ o-ochi koometih tyi yi Israel kwa hoothe klaniai tsi noodojai, wowoti khai kahchu a kootahti. Oo ayi yakah klaniai yakah atii yataUhlon.

<sup>33</sup> Kwa inchitakoooh klodesha sa kehchi ehala koonaoozutooh, hatleke aochaii tike okehe kwa hHlon kalaketi klodesha sa kehchi ehala. <sup>34</sup> Kwa kalaketye sa kehchi ahala klodesha, Jesus otyesta takaseneodi, toowe ehti ihe, Eloi, eloi, lama sabachthani? ayi tsati ihe Saghintai, Saghintai, yehoo gha sechanila aootyete.

<sup>35</sup> Ooh tahkine ieti nehyane, ooghatitsuk tsi, toowe ghati, Nea, Ehas kawotih.

<sup>36</sup> Kahchu ehlaiti otsidehta, kahchu tsifo yeatatih atihih tayatohman sootakan chiche tu ihe, kahchu nayiooh klokhayetgha, kahchu yayiooh tuwoto gha, toowe ehti ihe, Atu kinditaghaha; oonka oohwoti Elias nayaghintyi kha.

<sup>37</sup> Kahchu Jesus otyesta ohtye ati, kahchu matsinde kwa yecheli.

<sup>38</sup> Kwa ayi hlichatinkatii tyetachtalihi kwa otyi yi intyizon tghahkyehchi wotye cheghinchil yataihchi ctis yiyue otsi. <sup>39</sup> Kwa kootoo ayi simakanis metihi, ooghade nazutuh. wa-i kooakehe otyesta, kahchu yatsinde yechelihooh, toowe ehti, tyewotye tune teze Nagha Tgha Chue ghilelon.

<sup>40</sup> Ayiti oohwilihi tsegene ehu tontyctsi otsi ookhaganehtgha: atai chu iiti atiih Mary Magdalene, Mary chu ma James oia etanoohlihi kahchu Jose, Salome chu; <sup>41</sup> (Aghatane chu, Galilee atichi, kikehtyeshaii, kahchu ooli kooyaalih ine;) achune chu natlone tsegoo yuhchi kooyehkyatehch ine Jerusalem tsi.

<sup>42</sup> Kahkachi aoocha tsi, ayi ihe intyizon dzmee tsi watsehu ayi dzinee Manejitti dzinee tsi ooh, <sup>43</sup> Joseph Arimathaea otsi tazeulu, tsatincha tsiwatihl, atune chu ootakah ali Nagha Tgha nataghe, yuhchidesha, kahchu tadzye natsutih seoo Pilate kahkwiya, kahchu Jesus zi ootakye. <sup>44</sup> Kwa Pilate khawooli kwa tehtsalo ate: kwa simakanis metihi tyechi yehti, tauontya yehti tontyeto ghaite chu tehtsutiih. <sup>45</sup> Kwaatawatih tsi simakanis metihi yatati, tazi ghiooh Joseph. <sup>46</sup> Kwa ataghoola tsatache oochu takulle, kahclu nooyaghintyi, kaliclm ayi tsatache ii ihe yehtonehtich, kahchu niyanihtyi natine kwa oota tsyekas tayaghintyi, kahchu tsye otsiyehail toosklahchi natine kwa. <sup>47</sup> Kwa Mary Magdalene kahchu Mary Jose ma oohwa-ih nichanihtyinti.

## 16

### *Tghachyestla keneti edzetaiti matgha.*

<sup>1</sup> Kwa Menejitti Dzinee kawohtzut tsi, Mary Magdalene, kahchu Mary James ma kahchu Salome, ataghaghila yu natunetgha tsehklutti, kwa yuhchighatatyel ate yu ihe kiyuhklukoooh. <sup>2</sup> Kwri o-ochi hatse hatlindo ooli hatse dzinee, koonhionizuiiooh natine kwa otsighatestyel sa niya tsi. <sup>3</sup> Kwa toowe hlaghatati, Mea tsey yughaii aootyete natine kwa tustla otsi?

<sup>4</sup> Kwa koo ookahanehtghachi, oogha-ih tsey achuhchi nichunihailo: o-ochi ghinchai ihe. <sup>5</sup> Kwa kwegliaghintyelooh native kwa oota, kiya-ih ehlaiti uskye noohtichintye chisinchii sata, tasata natyesooh makestue takulooh: kwa oonighanintyeli.

<sup>6</sup> Kwa toowe yehti, Atu oonighahtyeli: Minkhanatgha Jesus Nazareth otsi tatyetzutti, klaniai nichanihtyiii: tsitike ghinta-ih; atu chode ali; nea nighamintyintii. <sup>7</sup> Ahwole ootahtab, yaotatiche natahtih Peter chu naghaghadesha Galilee tsi: ayiti wahiiissi, naghatatyakehe.

<sup>8</sup> Kwa kwete khooghatatyel, kahelm natine kwa otsi tsmtestyeli; yaghatilonlon ihe kahchu khaooghali ihe: kahchu atuline atula kehe akiyeliti; oonighanintyelon ihe.

<sup>9</sup> Kootoo Jesus niyiyai kwete hatse dzine tsiwatselhu, hatse yuhniya Mary Magdalene, ayi taiuchi atsmde metselihi yazi otsi hayateha-ii. <sup>10</sup> Kwa yatatilon ayine yehkyatehchiine, tsukye atu yaghita zahtgha kahchu ghutsakoooh <sup>11</sup> Ooh ahatane, ooghatitsuk tsi ghata, kahchu ya-ilon atu a kooghati.

<sup>12</sup> Ayi keh yuhniya achu akelie ouketye agha tane Ihe, ghataihlu zahtgha, achu tike tsi otsighataihlu. <sup>13</sup> Kwa kitati achune: kahchu ama kiyehi ayine.

<sup>14</sup> Atyechi yuhniya keneti ehlaiti matgha aline ghiskyee eghehta ootye, kwa yachiotatyech majih oontooei kha kahchu yadzye natsutti kha atu a kiyuti ihe ayi yakehtghaii tsitike nesta.

<sup>15</sup> Kwa toowe yehti, Otsitahtyel tike okehe matatahti obicn oociu anetye tane. <sup>16</sup> Ayi a kootyeti kahchu tumakechaghinkliti nachawohtyezi; ahwole yaghi atu a kootyeti cliahta chuleesi. <sup>17</sup> Kahchu tidi yachanahai yakeh ootoohsitassi ayine a kootine; Sindizi ihe kehchi ghakitoolelassi atsinde metselihi; oogliatooyehchassi atsoodi koondi ihe; <sup>18</sup> Nootuze nighatoohyellassi; oolita tughato ate chu azetse ahi, atu kootoohthiassi; kikatootiassi yatitihne, kwa oochu nakiyaooliteissi.

<sup>19</sup> Kwa Naghaghatai sakyedesutooh, yatai otsi nichatihtyi, kahchu sata-ih Nagha Tgha nohtichintye. <sup>20</sup> Ahwole achughatestyetl, tike okehe tane chiwoghatihi ihe, Naghaghatai kahkeoghathichoo, kahchu sa natsut oola kaootsooli chu intghaninkhi. Amen.